

和6
928
12





曲阜魯陽生孔氏編定

漢軍質 璋裁臣

太蒼鮑文蔚貫參

浦圻覃廷楨蔭棠分校

夔州程正學文先參校

黃岡林郁鈞可廷

浦圻鄧人梓樹梧

預籌修約事宜疏

曾國藩蔣生

奏為遵 旨預籌修約事宜恭摺仰祈 聖鑒事 竊臣於九月二十三日承准軍機

大臣密寄同治六年九月十五日奉 上諭總理各國事務衙門奏預籌修約事宜

請飭海濱沿江通商口岸地方將軍督撫大臣各行所見一摺前因原議十五條約

為期已近據該衙門奏請飭南北洋通商大臣於熟悉洋務各員中選派二員於十

月咨送來京當經降 旨允准惟前奏稱欲於選派各員內收羣策羣力之效而通

盤大局尚待籌商本年十二月即英前期六個月先行的改之期約各該大臣務於


十一月內奏到無稍延緩俟總理衙門密函條議寄到時諸臣其審時度勢妥議萬

全以濟時艱而副委任詳細覆奏等因欽此仰見我 國家推心置腹博采廣詢之

至意欽佩曷任詳繹總理衙門原摺密函層層商折謀堅執之辭而又不欲大局之

決裂懷雪恥報仇之志而又不欲彼族之猜疑實屬審勢度勢苦心經營臣於預籌

換約一事接總理衙門四月之函當經分布各關查議開列清冊臣詳晰加簽於八



月二十一日遊委候補道孫士達等二員由滬進京齋遞以備採擇在案茲復奉諭旨垂詢臣愚以為外國交際最重信義尤責果決所我不可行者宜與之始終堅持百折不回我所可行者宜示豁達大度片言立定斷不宜若吐若茹稍涉猶豫之象啟彼狡辯之端大抵洋人之在泰西數百年來互相吞併無非奪彼國商民之利然後此國可以得志其未中國也廣設埠頭販運百貨亦欲逞彼腹削之詭謀隘我我商民之生計軍興以來中國之民久已痛深水火加以三口五口通商長江通商生計日蹙小民困苦無告迫乎倒懸今若聽洋人引鹽則場商販運之生路窮矣聽洋人設棧則行店屯積之生路窮矣聽小輪船入內湖則大小舟航水手舵工之生路窮矣聽其創置電線鐵路則車驛任輦旅店腳夫之生路窮矣就彼所要求各事言之惟挖煤一事借外國開挖之器與中國永遠之利似尚可以試辦應實時條議冊內以為可行臣亦加簽從而避之其餘如小輪船鐵路等事自洋人之則以外國而佔奪內地之利自華人附和洋商者行之亦豪強而佔奪貧民之利皆不可行以上各節臣於孫士達等齋投京摺逐條簽明總就小民生計而與之切實理諭無有顛撲不破之道如果洋人爭辯不休儘可告以即使勉強應允臣等在外亦必爭回即使臣等勉強應允而國中億萬小民窮極思變與彼為仇亦斷非中國官員所能禁止中國之王大臣為中國之百姓請命不患無辭置辯甚至因此而致決裂而我

以救生命而動兵並非爭虛議而開釁上可以對天地列聖下可以對萬海蒼生中無所懼後無悔也至遣使開拓傳教之事臣派員齋京冊內皆未議及伏查康熙十五年聖祖仁皇帝召見俄人尼米果齊等其時議節無可深考然當時俄羅斯議界通市實係以敵國之禮待之與以屏藩之禮待高麗者迥不相同道光咸豐以來待英法美三國皆倣康熙待俄國之例視同敵國蓋聖朝修德柔懷本不欲胥七萬里之遙而臣服之也擬請俟皇上親改之後准其入覲其儀節臨時的定既為敵國使臣不必強以所難度可昭坦白而示優容遣使一節中外既已通好彼此往來亦屬常事論者或恐使臣之辱君命或慮費用之浩繁此議皆過慮之詞似應令中外大臣留心物色隨時保舉可使出色人員儲以待用不論官階不定年限有人則遣無人則不遣權仍在我彼亦不致因許而不遣遂啟兵釁頃准總理各國事務衙門咨已奏派志剛等出使西洋此後源源通聘使事漸多縱或有一二不能專對之臣亦安知無蘇武班超富弼洪皓之流出乎其中為國家揚威弭患者可慨然允許者也至開拓傳教一事查天主教之始專以財利誘人近日外國教士貧窮者多彼之利有所不給則其說亦將不信自秦漢以後周孔之道稍晦而佛教漸行然佛教興於印度今印度則多回教之而疏佛教天主教興於泰西今泰西另立耶穌教而力攻天主教可見異端之教時興時廢惟周孔之道萬古不磨但使中國修政齊

俗禮教昌明雖百計開拓亦終鮮尊信之者况各省郡縣多立教堂而已拓之無可再拓將來換約之時該國如有此條續請似可許以隨時行文保護於彼不必再添條款諒不致再肆要求矣此數端其害稍輕不必力與相爭並不可有求必應獨至鐵路電線輪船引鹽開棧等事害我百姓生計則當竭力相爭不設挾制之詞不用嚴峻之語但以婉言商之誠意動之始終不可移易使彼知恤民以保邦乃千古帝王之常經亦我朝列聖之家法在中國多事洋人方張亦不能因循和議而不顧內地生民之困即異日中國全盛洋人衰弱我亦但求保我黎民而別無耀兵海外之心彼雖強講泛當亦知理直不奪衆怒不可犯或者至誠所感易就範圍區區愚見是否有當謹獻芻蕘以備採擇所有通旨預籌修約緣由恭摺由驛四百里覆陳伏乞

皇太后

皇上聖鑒訓示謹奏

按此摺密摺留中未發文正公文集中亦未載而泰西乃刻之故吳穎之函觀察感事詩云先機屢為因循誤密摺翻教敵國知蓋謂是也今從泰西刻本採得讀之猶凜凜有生氣凡談洋務者不可不書一通於座右以增長識力魯陽生記讀公此疏不獨可以增長識力也兼可以培養血性蓋中外之防既開籌洋務者

往往嘆為棘手不知大臣輩守正不阿平日能絕鑽營賄賂之弊實事求是徒敷衍其文外夷先為正氣所奪自然於交涉事件可持正論駁之不然如今日者貪污狼籍苟且因循而欲夷禍之可戢其誰信之公之此疏蓋以正氣而發為正論者也中興偉烈於斯可見矣獨修鐵路一併公雖不以為然然為今富強計劃又在當務之急也請為籌時局者誌之已將刻進照守芝記

敬陳管見等自強之計揭光緒元年四月二十日

彭玉麟 雪琴

奏為敬陳管見仰祈 聖鑒事竊 臣少更憂患長從軍旅近則鋒鏑餘生久搜痼疾自

問平生無日不在憂危困苦之中日親時局報難內患外侮伏於無形我

皇上冲齡踐作

兩宮

皇太后垂簾聽政日理萬幾 臣受恩深重自愧不能稍

分 宵旰之憂耿耿此心如負重疾當夫中夜傍徨為國計民生通籌大局誠有至宜
自強容自稍緩者然如購備船廠儲軍火等事餉需似有強矣而非自強之根本也論
今日之時勢譬猶大病之後元氣久虛治表尤須治裏又如樹木欲其枝葉茂盛必先培
養根本 臣不自揆妄抒愚懇之見冀等自強之策請為

皇太后

皇上鑒晰陳之一曰清吏治州縣親民之官最關緊要苟不得人即為

地方之害卑污貪鄙固當參革究辦庸劣委靡亦當分別降調兵燹以後民生多困實由
吏治多疎各省候補人員流品不一大吏往往優容不知優容於知恥者尚可激勵自新
優容於不知恥者適足養成不肖近來各省風氣往往因候補人員擁擠輪署州縣而實
缺轉少從官場愈壞百姓之受禍愈酷何也官員之署事譬之住屋之租賃自家住宅稍
有破壞急急補治責無旁貸故也若借屋暫居明知非我之屋不特不加修葺甚至任意
糟塌拆屋作新久之輾轉租賃勢必至棟折椽崩而後已今之委署人員大半類是天下
百姓具有天良豈肯甘心悖逆從前叛逆滋事之地非地方官貪酷逼迫即地方官寬縱

顧項此中消息甚微聞其繫大欲求州縣之得力全在統率之得人督撫者通省之統率也司道者各府之統率也知府者州縣之統率也從前承平之時朝廷視知府甚重

京察一等人員道府並用凡擢任知府者屬吏之賢否黜陟得操其權願得上下相維之本意近十餘年來知府之權輕矣各州縣之賢否必專責成於司道督撫分位懸殊情事扞格其中貽誤實非淺鮮巨愚以為欲辦州縣之賢否必專責成於知府各省知府果能勤慎廉明嚴察屬吏於賢者准密保於不賢者准密參仍由督撫司道詳確考核總以有實據為主不逞私臆不徇情面吏治一清天下何患不治擬請 旨飭下各省督撫廣求循吏久於其任勿以委署為調劑之具庶不至視官為傳舍而吏治日有起色矣此自強之

根本一也一曰嚴軍政自古談兵之書以一語賅之曰兵貴鍊而已 國家養兵數百年司農所入大半以供軍餉乃粵逆創亂業之排厚祿顯爵者所率弁兵莫不望風披靡是豈兵之真不足恃歟將帥習於安逸官弁習於驕肆兵丁習於怠惰吞糧冒餉老弱充

數不但兵不知兵將亦不知兵無怪靡爛半天下也今日之情形則又不然向時所謂驕肆怠惰之官弁丁業已化為烏有各省水陸提鎮多由戰巧游擢各省兵丁亦多另行招募非曩時不知戰陣不習操練者可比訓練有方不准沾染習氣自必事半功倍然防微杜漸不可不嚴倘提鎮稍事安逸則官弁即習為驕肆兵丁即習為怠惰天下事挽之甚難敗之甚易居今日而不痛加整頓則天下之兵又成虛設豈不大可惜哉然欲練兵必先足食兵餉原有定例兵米亦有定數近因經費支拙所發兵餉或七成八成不等且有同

在一省所發不一或七月八月十月亦不等至兵米有向在各州縣給領者現亦隨餉或七成八成不等又或每石折銀若干輾轉核扣不足以贍一身又安望其專心操練乎臣愚以為各省之兵缺額不補則可缺餉少發則斷不可擬請 旨飭下各督撫查明舊制發給

滿餉兵米亦照定例發給不准折銀扣食足則兵足老弱不汰自去如有攤扣兵餉吸食洋烟者官弁兵丁殺無赦庶幾軍政日嚴緩急可恃此自強之根本二也一曰端士習夫言

自強而歸之士習其說似近迂闊然士為四民之首人心風會因之轉移軍興二十餘年卒能削平大難由於士氣固結故也古者教士於庠序學校今日之教官猶其道意然名存而實不符矣近時士習厥行立名者固不乏人而不顧名義趨利若鶩甚至武斷鄉曲挾持官長者此皆是州縣容恩調停希冀了事而教官不敢過問就士之築點者言之若夫良儒之儒安分守己偶有小事與官場交涉地方官痛仰之或辱毆之而教官亦不得過問以至士氣不振刁生劣監更得肆行無忌此皆教官無權故也或曰教官冷曹閒職無法律以正人心無恩賞以激士氣其隨波逐流委蛇進退亦有無可如何之勢不知教官之不足有為者由於在上者視為可有可無之官耳誠能顧名義問所謂教諭訓導者其義安在昔宋臣胡瑗為湖南學教授設經義治事兩齋以教從學之士千古稱之彼獨非教官乎誠得訪求一二稱職之人樹之風聲予以拔擢天下聞之靡然向風未始非挽回士習之一策擬請

旨飭下各督撫學政時時訪察教官之賢否賢者量加保升不賢者即行參撤庶幾士林觀感而人心日歸於正風俗日趨於厚此自強之根本三也一曰蘇民困民之困不困於朝廷之法令而困於奉行法令之人瘡痍之氓生計窮蹙錢糧原屬正供而淨收勒折民不聊生訟獄本求伸冤而拖累稽延水無了結人命盡案一役下鄉數家破產至於抽釐助餉出於萬不得已各省苦累極矣而百物昂貴其受困終歸於民居今日而欲蘇民困其計果安在哉拜以民為本民以食為天仍不外乎開地利而已兵燹後江浙安徽等省荒田極多至今未能開懇議者輒欲竭屯田屢經奉 旨飭查各省大吏俱以為難行前兩江總督曾國藩覆奏亦以為窒礙多端未能試辦然則今日之荒田竟將任其廢棄乎 臣愚以為欲開荒田仍應聽民自懇欲民自懇非寬其賦稅不可荒田之不懇固由於耕種人少資本太重而究其不敢承種者實由地方官徵欲太急其中報上司者不實不盡其取諸百姓者投利無遺耕種之計朝定催科之吏夕來按籍而稽不遺餘力一經入冊即使復荒亦必完此空糧相破小民何堪此苛政乎誠能寬其禁令甫經開荒者一榮不問或種豆麥或種蔬果或種竹木悉聽其自便總使小民有利可圖數年之後利息果厚酌量科徵必須分別厚薄斷不能照向來米數一律起科一鄉如此一縣如此推而至於各府各縣皆如此安見大利不可漸興乎或謂禁令一弛下則攘奪紛爭上則中飽舞弊而公家獨受其損此誠難保

其賦稅以厚民生而培元氣并通飭地管嚴懲牙蠹訟棍連理詞訟案件不准姑息遷延至釐捐雖不能停不妨酌減二成恤商即以愛民自富強之策未有不從百姓始此自強之根本也以上四端就臣管見所及分析縷陳如果根本既端一面寬籌餉需廣購船破軍火等項以備不虞之需庶幾基址既固規模益闢內外本末無不具矣是否有當伏乞 採擇施行若夫輔翼 聖德以端本原選賢才以膺艱鉅嚴官寺以抑僥倖俾減營繕以裕度支伏謹疊次 謹言俱在 皇太后聖慮之中無俟臣工總總慮 臣尤伏願皇上統統業業慎終如始力杜粉飾因循之習而絕無急功近名之心常抱臥薪嘗膽之忱而不作耀武觀兵之舉天下幸甚區區愚誠不勝戰栗屏營之至

請造小輪船片 光緒六年九月十八日

彭玉麟

再昔之所謂海戰者多係剿辦中土水寇前明之倭患棘矣未聞用兵輪也彼族任席風濤船堅礮利我舍海口可扼之險而角遜於茫茫巨浸中臣愚未敢信其確有把握前兩江督臣沈葆楨所以於鉄甲船再三致意者其大指恐彼族以鉄甲船橫截海口則內外之氣脈立斷他船非鉄甲之對不得不以勢均力敵者拼與一街兵家所謂救急之兵非謂有鉄甲船而諸船可廢也若用以爭勝洋面則我少彼多彼不始置破甑於不顧我不能為孤注之一擲孰孰贏孰絀得失判然 臣博訪周諮講求數四似宜多造十七八丈長之小兵輪以期利

用間局所造各船分檢各省外存者無多且尺寸亦未能恰好非通力合作不足以濟急需
此項船至少須有十號方可自成一軍每號工料約須七八萬金稍充其數有百萬足以集
事其船重在頭梢兩處亦酌配邊礮以輔之田長江遼瀋久經戰陣之員為管帶官再選通
習洋語算學之學生為幫辦管駕各島漁戶為兵勇既可收熟習風水沙性之人材
為將才推廣之用又可免敵人招此漁戶作奸細為害內地該船不爭大洋衝突無事則時
巡領洋面有事時則防堵海口若敵船竟衝入江則以之四面環攻跟蹤追擊或誘致淺處
彼之如陷泥潭則游泳自如尤為勝者臣與漢江江南兩提臣及狼山福山蘇松三鎮熟
商至再詢謀僉同不敢不將一得之見上乞 宸裁如蒙 俞允應請 旨飭下兩
江兩廣督撫臣福建將軍督撫臣及船政大臣分飭廠局趕造此項小兵輪十隻以為江陰
以下海防之用仍交江南提臣李朝斌合標以資熟手而壯軍聲是否有當謹附片陳伏
乞 聖鑒採擇施行

復奏加意籌備片 光緒七年二月二十七日

彭玉麟

再二月十四日奉 上諭前據總理各國事務衙門奏與日本國商議琉球一案降旨交
部北洋大臣等籌議日本使臣使戶職於未經議定之先即自棄前議倖倖而太其所請各
節於中國存球之意尚未盡善未能即予准行該國不遂所求尤難保無藉端要挾情事所
有各該督撫各省防務自應嚴行戒備著李鴻章劉坤一何璟張樹聲吳元炳譚鍾麟方鈞周
桓祺裕寬督飭各營妥為備豫不動聲色靜以待之毋得稍有疏懈聞日本造小鐵甲輪船
兩隻可以駛入長江並著彭玉麟李成謀加意籌備毋為所乘定海一廳四面環海應增調
閩省輪船以助兵力並著何璟勒方鈞譚鍾麟黎北棠會同辦理將此由五百里密諭李鴻
章劉坤一何璟張樹聲彭玉麟吳元炳譚鍾麟勒方鈞周桓祺裕寬並傳諭黎北棠李成謀
知之欽此 臣當即恭錄傳諭李成謀一面飭長江水師各營不動聲色嚴密豫防靜以待動
不敢稍涉疏虞查定章今年巡閱臣係由下江湖流而上長江提督李成謀衙署向駐下江
臣並函商該提督從緩出巡以便就近督率水師將弁嚴防由海入江各要隘此時日本尚
無舉動臣自應仍照章巡閱上駛設或下江有警該提督李成謀老成諳練調度有方極為
可靠再會同瓜洲鎮總兵吳家榜督率水師舢板壹志同心相機辦理必可得力臣無論巡
抵上江何處一聞警報立即附搭招商輪船星夜下駛以重防務而慰 宸廑合併聲復
伏乞 聖鑒訓示謹 奏

請等費趕造小輪船片 光緒七年七月十六日

彭玉麟

再臣愚見凡礮臺必須另有水陸二師互相輔助不成孤注始有把握如長江內各礮臺有
長江水師舢板臣已商定長江提督李成謀為派定若為前隊若為後隊若為接應臨事
即由李成謀會同各鎮將分派到臺相機相輔不致有誤至敵或捨舟登陸則非長江水師
所能兼顧必有礮臺後路遊擊之陸師方免債事此最要者萬不可不預為籌及至於吳松

礮臺懸在海濱長江舢板戰船勢不能任助於洪濤巨浪之上此時雖有李朝斌所調操之江浙皖省各輪船臣愚以為無事時虛狀海上聲威則有餘有事時輔助礮臺實用則難恃何也海疆無事各省輪船不難前來會操一日有警則各省自有門戶俱需輪船保守方且應各本省差遣探報之不暇何能舍己從人悉來吳松以保長江門戶此情理所不能強即軍令亦不能施故臣去冬奏請須自行修造十八丈小輪船十隻專為防吳松海口一軍已蒙 恩准飭修造第慮經費不足難應急需尚祈我 皇上飭催南洋大臣籌費解閩局滬局趕造若能迅成操練精熟與沿江礮臺相輔而行江海防務始敢言有把握夫事在人為隨機應變彼以智來我當謀以愚法制彼巧法我當謀以拙法制之固地利宜用物制人力未始不可勝天惟經費餉楮為第一緊要萬不可不先為籌畫臣前次奏明請 諭飭各省籌海防者節有用無益之費以濟有益無費之用實事求是憂深慮遠意在於此應再請 旨飭南洋大臣廣籌軍餉經費認真未雨綢繆以免臨事倉皇幸甚臣年近七十心血虧盡病骨支離一弟無子今春病亡尚未入土臣孫孩提不能理事臣撫念時艱不敢以私廢公稍耽安逸惟此時江海無事似不必臣復行擇要駐紮惶惑人心致起謠傳臣拜摺後即循舊章工歇相鄂侯巡江事竣仍懇 天恩賞准臣如往年定章回籍稍養病軀藉以下葬臣弟設或有緊要事件當即星夜下駛扼要駐紮臣一息尚存報國之志不敢稍懈滯延時刻致誤事宜合併申明伏乞 聖鑒訓示謹 奏

會商海防事宜摺 光緒八年七月二十九日

彭玉麟

奏為會商海防事宜恭摺並陳仰祈 聖鑒事竊臣等會同何璟張樹聲衛榮光等議海防事宜正具摺間臣玉麟適巡閱長江水師馳抵江南省城臣宗棠遽入署中面商海防事宜以張樹聲何璟衛榮光之議所見均同除具 奏外謹將臣等思慮所及莫有俾於海防者一併陳明以備 聖明採擇竊聞省設局製造輪船臣宗棠於同治五年閩浙總督任內奏奉 諭旨允行嗣請設船政大臣總理局履事務交卸後赴陝甘總督任於船政事務時復預聞臣玉麟於長江海口涉歷最久所言防務情形尚為確鑿茲就臣玉麟所見長江海口防務陳之凡言長江海口者多指吳淞實進黃浦江之口為蘇松扼要門戶於長江固不相涉也外海入內之輪船左為吳淞其右有崇明縣一島外洋輪船若不進黃浦江即不必由吳淞海面入口但由崇明北繞白茅沙便可順抵狼福山徑趨長江綠福山南岸近年新長遠沙梗礮洪路輪船不能直行須繞狼山北岸而入江陰故吳淞設防不能扼其來路查吳淞口南北寬不過十里狼山福山口南北寬百餘里由此衝入長江其勢甚順此時防長江海口以狼福山為重兼顧吳淞口庶期周密查吳淞江陰及團山團魚山象山都天廟等處沿江礮臺均修整堅固其守礮臺之記名提督吳宏洛唐定奎章其作曾萬友等均能認真操練結實可靠惟水面空虛時切隱憂長江長龍舢板不能禁海上風濤其蚊子船風大船小頭重脚輕萬難出洋對敵祇可作水礮臺之用其餘各省兵輪船歸李朝斌

每月調撥與臣玉麟每年巡閱一次者亦不過於無事時虛狀海隅聲威而已設一旦有事該各省各有應防之海口方且自顧不暇何能舍己芸人置本省不顧而應長江海口之調縱以功令軍令督責之而亦有不行至謂此時江防緩而海防急宜先籌海而後防江亦非確論長江各省伏莽甚多歷年竊發有案尚海疆有警則乘間揭竿而起勢所必然腹地多虞防剿之軍時被牽掣適足啟盜賊之心而張冠鱗之談因思自強之道宜求諸己不可求諸人求人者制於人求己者操之已張佩綸原奏各海口可自為一軍是不必求於人而求諸己也與其購鐵甲重笨兵輪爭勝於茫茫大海之中毫無把握莫若造靈捷輪船專防海口扼要之地隨處應變總急可資為愈臣玉麟於六年冬奏造小輪船十隻專防海口不爭大洋即是自成一軍為自強之意奉旨准照辦在案因南洋經費維艱部議暫從緩籌

至今尚奉開造張佩綸原奏謂在揚及洲等水師宜改西式江船夫西式即火輪也與其花費添造輪船於離揚及洲兩標營素亂長江營制轉不得力不如節此經費趕造臣玉麟所奏小輪船十隻派長江久於戰陣之員管帶通習洋語算法之學生幫辦駕駛以熟海道募海上各島漁戶強壯者為勇丁既可收熟諳風水沙性勇敢之人才為將來推廣之用又可免敵人招此等漁戶作奸細為宮內地誠一舉而備三善也該輪船歸提督統領勤慎操練使礮火技藝純熟精益求精不爭大洋衝突口專海口嚴防無事則巡緝洋面盡其力所能到以堵海盜有事則齊集海口堵禦或誘敵擄淺或船環而攻之可以制勝或同敵船長

驅大進我船跟蹤追擊斷其後路以便前途師船堵剿斷不致坐視端大根奔任意猖獗也臣宗棠細繹臣玉麟所議專就長江海口而言力主有海防無海戰之說據實之說洵足見諸施行徵其實效與張佩綸原奏長江海口可自為一軍之說適相符合惟就長江江防海口而言兩江總督為固圍之謀無以如此若籌兼顧南洋則遇有警報各省同一洋面自顧不遑何能為兩江之助江南海口宜守亦難應各省之援其於兼顧之義終鮮實濟自宜亟籌增製大輪船數隻以資調度而速戎機前聞閩廠開造快船馬力甚速船亦合用昨與李鴻章晤商亦以為宜詢快船一隻工料需價若干據稱并槍礮計約每隻需銀三十萬兩臣宗棠點計經費雖難亦祇宜竭力籌維未可稍存顧惜之見計增製快船五隻需銀一百五十萬兩若求之南洋各省恐等諸築室道謀無以應乎合之臣玉麟擬造小輪船十隻每隻需工料礮價合銀八萬共銀八萬兩項船價共需二百三十萬兩兩江財力搜索已頻本難籌措惟事關海防大局不容束手而細察准鹽加引一案加意料理猶可有為竊計增置大小輪船無論購自外洋與在閩滬各廠局製造均須分年辦理所需經費亦可分年解濟以應要需現在准鹽加引試行之初就票費一項劃撥支應一年內外輪船經費計可之餘此後銷路漸暢雜款亦可奏請酌撥俾能接續解濟要需庶海口有備南洋相庇以安外海有船巡駛更可當通聲應似於防務較有把握臣等與李鴻章所見亦同謹合詞據實陳

密陳籌畫片 光緒八年十一月二十八日

彭玉麟

再密陳者臣今年八月於吳淞上海忽見長星光如噴瀑憂心如搗怪異非常又前五月間各處蛟災至有穿城垣破鎮市毀村莊且在端午前後兩日各省皆同不特為災實亦異事大雪後冬至前雷聲復大作亦非時令所應有上天示警必有由然凡我臣工皆宜深加儆懼務求各盡職分潛感天心憂民忠 國勤政明刑總期相惠於無形制治於未亂南省克復至今元氣未培風俗日靡人心日薄往往易動亂爭吏治兵事在在皆關緊要伏求 皇上念南方收復之功同於再造武漢為長江之要害南北之樞紐必須威名素著德望充孚方足以整兵保民控制全省關繫半壁安危甚重此番營兵滋事亦由未綢急切整頓慮生變故敷衍苟安亦權禍胎一處如此他處恐因而效尤小事如此大事將何以調度是皆足為隱憂不能為辦而亦不可不早為籌畫者也經權悉當恩威並濟要使兵畏民懷足以禦寇而不為寇是全在督撫之行事通機宜風裁可畏愛庶幾可以長治而久安也是否有當臣竊直無知謹密為我 皇上陳之

請飭照會通商各國片 光緒九年九月十九日

彭玉麟

再師以曲直為老壯上兵伐謀其次伐交古之制也現在通商者二十餘國而法人獨敢吞並越南志在窺我滇邊垂涎銅礦之利各國坐觀成敗殆先以法人嘗試中國耳然使法人竟獨擅富強之利則諸國又將因妬生忌不令獨占便宜此情勢所必然也目下既命將出師自應將不得已而用兵之故明白宣示各國使知其曲在彼因以攜其黨而敗其謀應請

教下總理各國衙門照會通商之二十餘國告以各國通商有年彼此利益各守條約無詐無虞此萬國公法所從出也乃法國包藏禍心明知越南世奉中國朝貢乃竟恃強陵

約違約稱兵

朝廷早欲應援以恐傷和好隱思未發前月法使脫利古乘兵船來津有

大隊兵船至廣東尋釁之說恫喝要求說計叵測我 皇上赫然震怒命將視帥彼若前

宋即與決戰兵端開自彼國不得已而為應敵之師直曲之判皆諸國所周知也第海上用

兵商船裏足於各國通商事宜不無妨礙以一國違約之故致礙全局咎有專歸想諸國自

有公論又中國軍民不識外國旗號自來戰守之際誠恐各國商船經過軍民誤認敵船致

有波累亦須預防以免轉輾如此立言明示利害曲直之致諸國必不敢暗中助逆至預杜

轉輾一層尤屬自占地步竊謂無論有戰事無戰事而此項照會似在必行此後尚別有要

求亦斷不可輕易允許臣愚昧之見是否有當伏乞 聖鑒

海防善後事宜摺 光緒十一年七月初七日

彭玉麟

奏為遵 旨籌議海防善後事宜謹就管見所及恭摺具 奏仰祈 聖鑒事竊臣於五月二十七日准兵部火票遞到軍機大臣字寄光緒十一年五月初九日奉 上諭現在和局雖定海防不可稍弛亟宜切實籌辦善後為久遠可恃之計前據左宗棠奏請旨飭議拓增船廠大廠昨據李鴻章奏仿照西法創設武備學堂各一摺規畫周詳均屬當務之急自海上有事以來法國恃其船堅礮利橫行無忌我之籌畫備禦亦嘗開立船廠創立

水師而造船不堅製器不備遊將不精等實不廣上年法人尋釁迭次開仗陸路各軍屢獲大勝尚能張我軍威如果水師得力互相援應何至處處牽掣當此事定之時懲前毖後自以大治水師為船主廠應如何增拓礮臺應如何安設槍械應如何精造均須破除常格實力講求至於遴選將才籌畫經費應謀之於豫庶臨事確有把握者李鴻章左宗棠彭玉麟穆圖善曾國荃張之洞楊昌濬各行所見確切籌議迅速具奏江蘇廣東本有機器局福建本有船廠然當僅就一隅所見未合全局通籌現應如何變通措置或扼要設總匯之所或擇地添設分局以期互相策應呼應靈通並著李鴻章等文議奏辦總之海防多年糜費業已不貲迄今尚無實際由於奉行不力事過輒忘幾成銅習該督等俱為朝廷倚任之人務當廣籌方略行之以漸持之以久毋得臨常蕪故振拾從前敷衍之詞一奏塞責李鴻章左宗棠摺著分別鈔給閱看將此由六百里各諭令知之欽此伏見 皇上乾惕為懷勵精圖治當海氛甫定之時為未雨綢繆之計以期有備無患海永清誠 國家億萬年無疆之福疏誦之下欽服莫名臣維泰西諸國自道光中挾其兵輪火器橫行海上近者日本復後而救之與西夷俱相倚賴馬思逞兇敵益張海疆日以多故我之屬國琉球已併於倭越南復入於泰俄與日本又復垂涎朝鮮將肇弊端及今若不力圖自強大修軍政則紙牌及未後患何可勝言謹將臣愚所及臚具於後以備 聖朝採擇焉一曰分重鎮以領水師中華瀕海之地自奉錦以迄瓊廉暨延七省萬有餘里其間海口亡慮千里若處處設防編布重兵不使敵兵一人一騎登岸非惟無此兵力且亦無此辦法同治中可日昌請設三洋水師提督左宗棠謂海洋一水可通輪船間弊即至北東南三洋各駐師船常川會哨自有常山率然之勢若分三洋轉生畛域李鴻章亦謂宜以全力扼要隘而戒散漫分防臣按沿海地段過廣在在設防所費勢必不給然但建一軍府而三洋咸歸其節制亦覺遼闊而運轉不靈如立軍府於津沽則瓊廉有事待請命而始赴援亦緩不濟急矣且海口各防隔絕大遠則稽察必疏難保不別生弊竇西洋姜法等國兵制水師僅專設一海部統之者其疆域褊狹不逮吾華十之一勢固有所不同也 臣擬設一總統駐紮吳淞分設兩大鎮一駐大沽直隸及 盛京山東江南各海口屬之駐廈門浙江福建臺灣廣東各海口屬之每鎮設鐵甲船六號大小兵輪十二號其餘海口分首銜次銜酌派兵輪駐守精選兵艦勤加操練講求駕駛攻擊之方務期精熟察視險隘沙礁之處務使周詳將則優其俸薪毋使有尅扣兵則厚其口糧毋使有溢充無事則出洋梭巡以習勞苦以練膽氣遇有漕船可以護送兼可代運有警則出兵而應之鄰鎮亦調師船助剿察敵勢之緩急以定調船之多寡不得歧視至於水淺溜急及多沙礁口岸敵船必不敢輕犯可檄派地方防營守之且水師聞警即至或迎剿或截擊或尾追無難立時驅逐該兩鎮歸總統節制其一切大事聽總統調度惟吳淞一口為長江門戶除 臣於光緒六年具奏奉 旨飭南洋大臣造二十丈長輪船十隻自成一軍因經費不給僅造成一隻仍請 飭催造九隻外須添置鐵甲兵艦

防編布重兵不使敵兵一人一騎登岸非惟無此兵力且亦無此辦法同治中可日昌請設三洋水師提督左宗棠謂海洋一水可通輪船間弊即至北東南三洋各駐師船常川會哨自有常山率然之勢若分三洋轉生畛域李鴻章亦謂宜以全力扼要隘而戒散漫分防臣按沿海地段過廣在在設防所費勢必不給然但建一軍府而三洋咸歸其節制亦覺遼闊而運轉不靈如立軍府於津沽則瓊廉有事待請命而始赴援亦緩不濟急矣且海口各防隔絕大遠則稽察必疏難保不別生弊竇西洋姜法等國兵制水師僅專設一海部統之者其疆域褊狹不逮吾華十之一勢固有所不同也 臣擬設一總統駐紮吳淞分設兩大鎮一駐大沽直隸及 盛京山東江南各海口屬之駐廈門浙江福建臺灣廣東各海口屬之每鎮設鐵甲船六號大小兵輪十二號其餘海口分首銜次銜酌派兵輪駐守精選兵艦勤加操練講求駕駛攻擊之方務期精熟察視險隘沙礁之處務使周詳將則優其俸薪毋使有尅扣兵則厚其口糧毋使有溢充無事則出洋梭巡以習勞苦以練膽氣遇有漕船可以護送兼可代運有警則出兵而應之鄰鎮亦調師船助剿察敵勢之緩急以定調船之多寡不得歧視至於水淺溜急及多沙礁口岸敵船必不敢輕犯可檄派地方防營守之且水師聞警即至或迎剿或截擊或尾追無難立時驅逐該兩鎮歸總統節制其一切大事聽總統調度惟吳淞一口為長江門戶除 臣於光緒六年具奏奉 旨飭南洋大臣造二十丈長輪船十隻自成一軍因經費不給僅造成一隻仍請 飭催造九隻外須添置鐵甲兵艦

二隻並

飭長江水師提督兼顧防範其兩鎮帥每年周巡各海口一次約期會哨於吳

淞凡海防事務其有宜因宜改宜行宜單者酌議會同具

奏以期悉臻妥善如此則軍

威可振海氛可熄矣二曰練陸軍以輔水師沿海師船布防既密則陸防似在所緩矣然敵

人狡諂彼以舟師攻我要隘如不能入則密探旁路以早隊繞出我後使我驚遽失措然後

舟師乘隙而進務違其志庚申天津之役其陸軍繞道北塘 營輔震動以致大古守師

因而潰敗可為前鑒今設一總統兩鎮專辦海防水師各宜精練成為可靠之軍再練陸軍

一萬數千人厚給口糧嚴革虛伍扣剋之弊必期一人得一人之用擇水師左近要隘駐紮

務須聲勢互相聯絡倘敵或登岸有水師綴其後彼不能無返顧之虞有陸師截其前又難

逞其獍突之毒首尾夾擊不難一鼓殲旃即令其冒死弗退更番迭進而我以兩軍之力抗

之彼亦斷難久持如是則水陸相倚奇正相生外夷知守禦之既堅必不復輕於嘗試况陸

軍選巡海岸則教民之和相勾結接濟淡水煤米之路可絕而盜賊之出沒海埔者亦必因

之潛蹤其裨益不尤溥哉三曰東三省之籌防宜豫東三省為 聖朝龍興之地屏蔽

京畿其地黑龍江以西興安嶺以北皆為俄壤南與朝鮮接壤目今俄與日本又復窺伺

伺朝鮮邊界蠢蠢有欲動之意三省之防自不可緩可否請 旨飭下東三省將軍都統

等除各海口歸北洋海防一體籌辦外其黑龍松花瑯春等內江設法創設兵輪配購槍礮

分置要隘不時巡閱操演務令技藝嫻熟駕駛靈便庶可有備無患至於陸兵則吉林勁旅

天下無敵其人率多材武招練成軍自可得力惟西夷陸戰全仗開花大礮其礮最能及遠

奇中近越南谷松等戰之敗嗣皆職此故避之之法在立地營南方卑溼入處地營多生疾

疫東三省地勢高燥自無慮此宜擇善為地營者在教軍士俾人人皆知此法由是水陸皆

有戰備一旦有警不難修矛借作迅掃凶鋒則此豐鎬上都金湯永固矣四曰臺灣以練勇

辨團為先東南洋面定海地僅彈丸瓊州土地硠確又多瘴癘皆非敵所指意或旁務及之

我有兩大鎮鐵甲兵輪調以禦之彼何能為也物產富饒礦利充旺為外夷所歆羨者其臺

灣乎道光中英夷內犯江浙旋犯臺灣近則倭人窺之於前法夷擾之於後蠢爾羣夷其心

蓋無一日忘臺也我有臺灣瀕海數省可資其藩衛如失臺灣則臥榻之側任人新睡東南

洋必無安枕之日故防海以保臺為要保台尤以練勇為要何則外來客兵皆非善戰者多

人臺灣地孤懸海外餉由內給則籌運維艱取之一臺則久必中置再值兵事嚴急海道阻

過即欲接濟而無從如日前之事已岌岌乎殆矣惟募本地之勇以臺產養臺人而食不加

多即以臺人護臺地而奮勇可必須招募二十營分為水陸兩軍餉必從重練必期精悍成

勁卒用當前敵敢死之鋒至於防守險要接應聲援樂備緩急為長久之計又非團練不可

蓋臺之情形與內地不同臺民性情直遂易為感發一也好勇輕生敢於戰鬪二也實產殷

沃重顧身家三也進有所賞退無所往四也近者暖暖村義民之戰月眉山上勇之戰皆能

憤切同仇力抗鴟虜若能認真舉辦簡任賢能專領其事隨時隨地親身督勸區畫經營一

如自謀其私更不時操閱以督卒之酌加犒賞以獎勵之行見民皆同澤志可成城此外兵輪鐵艦分置於海口水雷浮標潛布於港汊其鹿耳雞籠淡水不屹然為海外一巨鎮乎五日學習技藝增造船礮務求實效也西表挾其堅船利礮騁騷海上而我不能制其死命者徒以器械不及其堅利耳然則欲求制勝之道自非師其所長去我所短不可左宗棠請增拓船礮大廠李鴻章請創武備學堂誠為深謀遠慮然同治初曾進學徒出洋習藝迄今二十年未聞學徒有西學卓絕製造精妙者聞中管帶兵輪之張成學徒中之稍著者也馬尾之戰大帥設信其言遂至債事查船礮機器局閩之馬尾蘇之滬上創立業已多年所船礮皆不堪為重洋角逐戰陣之用悉因西匠技藝不精為該國不用之人而中國用之西人議論有謂閩局洋匠日意格督造苟簡且故以火藥船與機器船相連其用心實為巨測又有謂滬局所造之船率皆肥薄所造之礮均不精緻不能禦敵出洋歷年花費不免不為局員中飽者是學徒與船礮二事舉行不為不久糜餉至數百萬不為不多成效固茫手無有也今復踵事加增其果能日起有功乎抑猶不免因循而蹈故習乎若以艱難羅掘之餉仍供無益之一擲甚無謂也為今善後之計如臣光緒元年專摺所奏各疆臣宜認真講究吏治軍政士氣民情四大端以立自強之基已奉 旨通飭照辦在案外茲惟乞 飭沿海疆臣於閩滬廣東各機器局廠廣籌經費拓增船礮以大自強之勢為急務臣賦性迂拙深恐夷人兼惡夷學於外洋製造之精微器物之良窳從未留心講求故於洋務毫無所解竊

推久必益精詳可審請 密諭該使臣編加考察西人之船礮何者為佳何者為不佳製遺之事若何則佳若何則不佳一一尋究其所以然之故繪圖列說以發明其理俾量理船政者有所資以考證並密訪夷匠之極精於造船礮及水雷魚雷鐵浮標一切之事者以重貨務情數人瓜代聘其來華分置閩粵滬津各船礮局助其工作共相講實精益求精必能有益六 曰餉糈艱難務須廣籌也今茲籌防方亟需用日繁自非設法圖維何以支持時局壬午戶部會議籌餉開源節流則例際嚴精審計酌量宜若能永遠通行於度支豈曰小補惟一時欲驟增千數百萬金錢以濟軍用亦恐未能巨再四籌度似有數事尚可舉行各省釐金咸豐同治之交髮逆搶掠同相繼作難踴躍偏天下需用浩繁而皆取給於釐金未嘗不足其後軍事稍定多撥作他項支用且有辦理不善以致收數短絀者宜請 旨飭下各省督撫臣清查釐金如有撥為不急之用宜即移緩就急改充船礮經費其于局員役如有侵吞入己及私行買放者當出重懲嚴參治罪務期肅清公果能切實奉行每歲可以回溢用及餉項數百萬兩各省食鹽每斤加價錢二文按綱彙數解司務令於場餘包餘加斤等項一律加價每年約可增課數百萬金吾華地大物博礦藏極多金銀銅錫鉛鐵煤礦無所不有乃棄之於地不知取用詎不可惜今或至擾民者皆由辦理不善遽謂礦不可開無乃因噎廢食請 旨飭下各省疆臣查察境內有礦之處設廠開采或由官辦

或招商辦務須經盡善期於必行由是地不愛寶取不竭而用不盡富強之道孰有便於此者哉若夫捐納不減成則難期踴躍成則任途冗雜名器大濫借洋款則取給一時耗

息大鉅皆非可屢行之事他若鈔法則窒礙多端加賦則流毒無極此乃末世之政非

聖朝所宜議及也為政之要莫先於用人得其人則理不得其人則害由運古至今未有以

易也然知人則哲古聖所難其亦就其事以觀其人庶幾拔十得五才如察將領之才先選

其樸實為主再考其訓練士卒整頓營伍察會計之才先考其為信再求其餉稽之密操守

之廉準此以推總期考驗之真不參愛憎之見雖不中不遠矣臣衰朽頹唐身嬰痼疾備防

顧表寸效毫無每思宵旰勞臣不禁清夜涕零為之寢饋俱廢茲承 聖訓垂詢昏耗

之餘智慮短拙安有深謀至計上酬 清問但葵藿愚忱亦有不容自己者謹頓竭愚見

縷晰馳 奏伏乞 皇太后 皇上聖鑒訓示施行謹 奏

老成深謀遠慮計出萬全使其說早行何至倭奴橫恣如此然願天補牢正在今日願當

軸連遵此疏行之庶有濟乎至論台灣一條今讀之心痛 魯陽生注 彭玉麟

再臣正封指問通接督臣張樹聲緘致總署電音得悉署直隸督臣李鴻章方與法苗議款

聞之不勝駭異伏維法夷犯順率土同仇臣昨奉光緒十年三月二十六日 上諭飭臣等

振刷精神竭誠籌辦防務臣當宣示各軍莫不踴躍歡呼激昂思奮乃甫數日而忽有議款

之舉得毋阻赴義之心而褫敵愾之氣况今日法夷有斷斷乎不可款者臣素愚戇忘其冒

昧有不容已於言者請為 皇太后 皇上 一陳之法夷無端生衅殘我屬國及

我出師保護又復肆其兇突統敗我師迄今並未大加懲創遽與議和何以張 國威示

天下不可許者一法夷並未受創翻然請款是必中藏詭譎或急或師而徐乘其後或謀緩

我而設以多方其言無窮不可許者二既與議款不索兵費更為巨測該夷推利是視忽棄

日前所索巨萬之費不言但言越境通商其中不免有詐恐將來必有十倍取償於後者瘡

中華以奉島夷飾目前以釀邊患不可許者三以一外強中乾之法夷憑陵我藩服吞噬我

疆土堂堂中華不勤遠略不問其罪轉降心相從以就其和使之此次得志而效犖法夷者

必信信然環向而起是歎一法夷而轉來無數法夷也羣謀日滋隱憂方大不可許者四雲

南物產富饒五金之礦翠玉之璞豈稱於世久為西人所垂涎若與議款必由蒙目以內許

其通商迫為日既久形勢險隘彼皆周知廣傳邪教以張羽翼一旦竊發不僅通商將何以

支不可許者五此五不可者人人知之儻漫不加察賀賀焉亟與議和以為圖計萬全臣固

未敢信也法夷自通商以來前於天津教堂一案即思起端以備其所大欲適為普人所窘

中止旋即狡謀越南為自強之計我中華果以全力決勝審用兵善餉分量彼族萬難久持

故先為恫喝以速其和又貌為恭順以工其術其實鬼蜮伎倆窮矣此揣敵情而可戰者一

也我 朝以神武開基將帥得人遠軼前古嗣乎髮捻之亂亦志氣草出賈其餘勇似足定

也我 朝以神武開基將帥得人遠軼前古嗣乎髮捻之亂亦志氣草出賈其餘勇似足定

也我 朝以神武開基將帥得人遠軼前古嗣乎髮捻之亂亦志氣草出賈其餘勇似足定

邊憶前議防俄之時奉 旨著京外保薦人材即以將才不易存者什一為慮再閱數年
 老成凋謝盡矣雖攘外不必定用安內之才而有識究須有膽曷若及時精選宿將俾講求
 以柔克剛以散嚴整之法以盡其長此論將才而可戰者二也道光年間夷警初開廣東三
 元里團練義聲至今猶在此外各省因事激憤之案層見叠出亦見民間不平之氣不可遏
 抑越南劉義亦中華民也竄伏荒裔自全不暇猶能尚義屢滅法夷各省阻僻壤不乏英豪
 聞與夷戰莫不聽雞起舞共發雄心願效死力此察民情而可戰者三也查萬國公法有可
 節取者在戰分義與不義一節如與戰不義傷害天理不獨可以理喻並可以力止等情深
 與齊人伐燕之義暗合亦足徵萬國之公也我 朝廷一面通飭各督撫臣大張曉諭於
 通商和好各國極力保護專與法夷絕好在各義民誅其天主教士燬其天主鬼樓罷其駐
 京法使撤其生意馬頭既銷萌孽不虞艾蔓此採公法而可戰者四也語云師直為壯曲為
 老今兵端自法夷開窮兵黷戰掠地爭城欺侮太甚實為萬國公法所不容宜應數法夷罪
 狀布告中外使咸知理曲在彼直在我不得已而用兵伐罪明有日月幽有鬼神共鑒此衷
 應蒙默佑此卜天理可戰而決必勝者五也有此五可亦人人知之儻夫此機宜恐我中華
 永無自強之日其將如天下後世之非議何伏乞我 朝廷乾剛獨斷嚴飭沿海各疆吏
 及各將領防務不可一刻稍懈尤須洗心易慮臥薪嘗膽各天天良修予備作憤切同仇以
 與法夷從事臣雖衰朽無似斷不敢惜此病軀殘喘稍存畏息尚當獎率將士為各軍先惟

宜和宜戰大局攸關

聖明洞鑒自有權衡原非臣下所敢妄議

微臣老病昏眊在軍言軍

謹冒昧將所有不可款而可戰緣由披瀝附片具陳不勝惶悚待罪之至

請接濟劉永福片光緒十年五月二十一日

彭玉麟

再越將劉福本粵西細民竄身交趾及越法起衅遂能糾眾搆拒相持數年大小數十戰屢
 挫凶鋒敵其梟帥為越南之保障固中華之藩籬其功亦云偉矣後雖兵勢稍弱退守保勝
 然其聲威猶震於泰西諸國莫不噴噴目為異人而法夷屢受其創劬尤欲得而甘心伏乞
 密飭雲貴督臣加意接濟其軍火餉項無或闕乏俾得一意堵禦毋致陷敵以快仇讎
 即今和議有成可否仰邀 逾格鴻施授以是方武職移紮內地以示 朝廷優惜之
 意且在其敵愾之忱臣因邊才難得宜加保護起見是否有當謹附片具陳伏祈 聖鑒
 訓示謹 奏

遵 旨覆奏并陳今昔情形不同摺光緒十年六月二十六日

彭玉麟

奏為疊次欽奉 諭旨嚴申軍令恭摺覆陳並將今昔情形不同時移事異言易行難
 陳下忱仰祈聖鑒事竊臣前奉軍機大臣密寄光緒十年閏五月初七日奉 上諭本日
 閱張樹聲遞到潘鼎新電報法兵攻撲觀音橋營盤我兵槍礮互擊於本月初三日獲勝殺
 斃法人千餘生擒多名此次衅自彼開原非中國違約惟洋人狡狠若為滇粵各軍所扼不
 能得志必將四出滋擾廣於越南切近首當其衝現在張樹聲行將交卸張之洞甫經赴任

諸事生疎該處一切防務彭玉麟務當妥籌兼顧以期嚴密至該尚書密陳一切仍遵初四日密諭不動聲色豫為布置一俟奉有電音即可應機辦理惟此事關係重大須慎密圖維勿稍孟浪將此由六百里密諭知之欽此閏五月十六日又接總署電本日奉 旨彭玉麟在粵辦防忠誠奮發布置周密現在法國雖仍未講解和議尚未大定防守更關緊要該尚書仍令督飭各軍實力備禦勿稍鬆勁欽此伏讀之餘莫名感奮臣值此時報備防嶺嶠與疆臣悉心籌畫雖瀕海各要隘粗有布置何敢言盡臻周密擬荷 恩綸懷懃何以惟有實心實力龜勉圖維以期無負 皇上委任之至意署督臣張之洞履任後與臣熟議海防諸務意見悉符臣隨與張之洞張樹聲倪文蔚乘坐小輪船巡閱各海口數日悉心商酌察其險要兵單之處添募勇營填築以為各礮臺游擊策應之用沙角在虎大角門之外為省城第一重門戶最關緊要飭記名提督婁雲慶添置兩營大角與沙角對峙海中情形吃重原駐兩營大軍飭記名提督王永章亦添兩營魚珠為入省城陸路總要與常州沙路沙路唇齒相依飭署廣州副將記名總兵鄧安邦亦添兩營又於虎門內署水師提督方耀所守威遠礮臺後山亦添三營以為威遠防軍接應至省城河南向本空虛飭署陸路提督鄭紹忠新添兩營隨機策應查齊門以西有庄門橫門虎跳磨刀等六門其水雖淺而輪小船可直達佛山鎮以紮省城之背張之洞商之方耀派員雇募拖船二十號配足水勇分守陳頭五斗口一帶河面以顧省垣後路又調集各差遣小輪船十號紅單船十號駐泊橫檔左

右以為沙角虎門各礮臺應援又派小輪船十號並紅單船四號駐泊黃埔一帶以為常洲沙路魚珠各礮臺應援如此節節水陸設防較前似稍為嚴密萬一有警尚可無虞閏五月二十五日接北洋大臣轉寄總署電音二十四日奉 旨法國已使逗留上海不來天津議約並據各處電報孤技有集兵船他駛佔據中國地方為質索賠兵費之說無理要求萬難遷就海疆防務喫緊者沿海各省將軍督撫統兵大臣等密飭各軍嚴防以待一面廣為偵探倘有法兵前來按兵不動我亦靜以待之如果撲犯我營或登岸肆擾務須并力迎擊並設法斷其接濟期於有戰必勝如退縮不前者立即軍前正法欽此本日又欽奉 懿旨各營士卒奮勇有功者除破格施恩外並發給內帑獎賞將士炎暑從軍已先賞給江南福建廣東各營平安丹各十五匣其餘各省以次給賞即傳知各軍知悉欽此仰見 聖明洞燭萬里妙備機宜莫名欽服粵東地處炎方軍士荷戟長征時值瘟疫流行十常四五正多死亡仰荷 聖慈許以破格之 恩施軫其暑雨之疾苦且當即宣示各軍莫不踴躍歡呼咸戴 懿德回生起死感激涕零至沿海一帶已嚴飭設法斷其接濟儻該夷稱兵犯順務必奮戰直前不容稍有退縮若彼按兵不動臣亦斷不敢輕舉以啟他衅六月十五日接總署電音十四日奉 旨現在閩防日緊沿海防務亦均喫重彭玉麟素有遠略著於廣東應留防軍外豫備二萬人聽候調遣或就原統之營整練或招募壯勇足數悉由該尚書酌辦欽此六月十九日又接總署電音十八日奉 旨彭玉麟等派營接閩力

顧大局殊甚嘉尚現在滬議未就法情已測萬一決裂必宜出奇制勝潘鼎新岑毓英務將現駐閩內各軍切實訓練聽候調遣彼此聯絡聲勢庶足迅赴戎機牽制敵勢廣東能否別出奇兵向欽廉小路前進著彭玉麟等豫為籌畫或別有制勝之策均著電奏覆旨並著潘鼎新迅即知照岑毓英一體遵辦欽此 臣聞 命自天悚惶無地欽奉之下除督臣張之洞張樹聲撫臣倪文蔚會同且由電音覆 奏外而微且區區愚忱尚有不吝已於縷陳者自關外各軍奉聞五月二十二日 上諭盡行撤退入關後該法夷無復後顧之慮肆行猖獗以致橫行東南南洋面探瓊州駛上海窺福州欲逞其志昨接兩江總督臣曾國荃電報該夷復奪據雞籠礮臺恣睢憑陵要挾鉅款凡有血氣莫不憤切同仇咸思一戰以奮此凶頑蒙 聖訓必宜出奇制勝仰見 廟謨廣運 宵旰憂勤欽服無量 伏思今昔事勢既大不同軍情亦因時而異若諒山興化各軍未退入關以前可以密行詭道表裏夾擊 且率全部十四營由欽廉度十萬大山過五洞出越南密約岑毓英潘鼎新會劉永福分三路前進再以海外兵船載二萬人暗駛大洋水路兩面夾攻奇兵四合期一鼓掃蕩收復山西北甯直揚西貢傾其老巢制法死命無如此時滇桂各軍盡行撤回內地全越皆歸法有彼必布置周密即劉永福素稱善戰膽略自雄計此時進退無據我縱冒險出奇由欽廉小路間關入越越中已無我軍一人一騎岑毓英潘鼎新東西懸隔數千里聲勢梗塞援應無從孤軍深入自蹈危機兵法所忌是所詳以制人者轉為敵謀以制我矣此理甚明人人知之臣非敢苟且偷安取巧推諉自羅罪戾益令昔情形迥異勢有不能非不為也至奉 旨豫籌二萬人聽候

調遣臣於粵中地生疏一時營哨等官揀擇不易且軍裝餉項一無所出曾商督撫臣張之洞倪文蔚亦若無力接濟時勢急迫不能迅速為計焦灼萬分 臣愚戇成性誠實自天不敢為欺屢蒙 顯皇帝溫旨嘉獎自顧愚劣抱愧五中今則孤負 天恩實屬罪戾滋甚咎無可辭為今之計惟有謹遵閏五月初七日 上諭事體關係重大總須謹慎不敢稍涉孟浪致憤大事並仰遵屢次 上諭會合督撫臣並張樹聲密飭各軍嚴防以待儻法兵前來撲犯躬親前敵督率各營將士并力迎擊務期有戰必勝不敢畏葸以取愆尤謹將疊奉 諭旨并今昔情形迥異所謀言易行難各情恭摺 懇陳不勝惶恐待罪之至 伏乞 皇太后 皇上聖鑒訓示謹 奏

代陳海防管見摺光緒十年十一月十八日 彭玉麟

奏為據情代 奏敬陳海防管見以備採擇仰祈 聖鑒事竊據在籍兵部候補主事梁宏諫呈稱方今事勢不患兵之不強礮之不堅而患於錢甲船之不足雖有勁兵鉅礮亦將阻於重洋而弗能以互應伏見我 國家講武勵兵孜孜求自強之道二十年來凡兵輪火器類多仿照泰西固將日起有功矣然觀福建之船政局上海及粵東之機器局所費動以億計為時不可謂不久用款不可謂不多而所成就無非小輪船洋槍炸彈等項防內河則有餘防外洋則不足若移此鉅款以購買鐵甲船亦或就內地各機器局自造約可得二十艘且將雄視歐洲閩省戰事何至決裂如斯上煩 宸慮為今之計惟有籲懇

天恩飭各直省督撫聯合官紳商民每省各捐購鐵甲一號查鉄甲船之小者價銀約一百餘萬兩其大者亦不逾三百萬兩船之大小視省分之大小以為差合一省之力為之似亦無難集事凡某省購置之船即以防禦某省海口其無海口者則將船派往大沽口及旅順口以拱衛 畿輔近地遇警則互相應援先調鄰省以次及於遠省勿分畛域出全力以應之使海內之大儼成常山率然之勢必於防務大有起色目今海氛未靖凡在臣民同深敵愾自當踴躍從事不日就功所有捐辦各員俟船成之日 欽派大臣查驗如果著有成效可否照河工事例核給獎敘以昭激勸之處恭候 恩命遵行再兵輪交戰專尚機器轟擊機器一壞此船即廢是以西人製船凡機器之式火藥之櫃其位置無相同者乃船政局所延法國匠人教造各輪船凡火藥櫃多設在機器之旁識者皆知其謬此後須得公忠廉幹之員認真經理實事求是必能洞悉利弊出奇制勝以仰慰 聖慈屢念海疆之至意茲據該主事呈請轉 奏前來臣維今日籌辦海防鐵甲船似不可少所請每省購置一船然各行省有朕瘡之不同能否一律照辦未可懸擬但所陳不為無見未便壅於上聞謹繕摺代 奏伏乞 皇太后 皇上聖鑒訓示謹 奏

普天忠憤全集卷十三終

增采章奏下

慎約議此後十三篇曾經進呈故亦列之奏議

彭玉麟

成周之建封諸侯也其誓詞曰黃河如帶泰山如礪國以永存爰乃苗裔於是錫玉版鏤金枝歲在盟府子子孫孫永保用享降及春秋互相雄長疆凌弱眾犯寡有能內尊外攘事大守小者則狎齊主盟以為諸侯王故魯史一書大抵皆記會盟之事也然昔之所重者在修好故珠槃玉敦昭皇天而告之則重誓詞今之所重者在通商故網舉目張列條款而晰之則重約議所謂公法者即萬國之合約章程也然法既曰公自宜顧名而思義義者中國與英法兩國立約時皆先兵戎而後玉帛被其迫脅兼受勝敵所定條款受指莫多往往有出乎地球公法之外者厥後美德諸國及荷蘭諸小國相繼來華立約維時中國於洋務利蔽未甚講求率將利益均霑一降刊入約內一國所得各國安坐而享之一國所未各國羣起而助之遂使泰西諸國協以謀我秋以要我幾幾有固結不解之勢同治十年日本遣使來求立約兩江督臣曾國藩直隸督臣李鴻章先後高訂始將均霑一條刪去約中並載明日本商臣民不准入內地販運貨物限制甚嚴節經該國屢次翻悔每每斥駁現聞各國駐京公使間有會商之事日本獨不得與其尚未聯為一氣者未必不因約議之稍異也約議之不可不慎非明徵歟至若洋人居中國不歸中國官管理試問華之居外

洋者何如外國人到中國不收身價試問中國人之到外洋者何如華人到美國每人每
等且中國所徵於各國商貨之入口者稅甚輕華船至外國約鈔之重數倍於他國
即以鴉片論在孟米出口每箱徵銀六十磅中國稅銀僅十磅中國出口茶稅每箱
僅徵每百元之七五不上一成至英國入口所徵不下四五成至於烟台之約且強
減中國稅則幾於喧賓而奪主合彼此而較之公於何有法於何有更有詞雖甚公
而法甚不公者如十六款所書英民有犯事者皆由英國懲辦中國人敗凌擾害英
民皆由中國地方官自行懲辦詞甚公矣不知中國之法重西國之法輕如華人與
洋同犯命案華法必議抵西法僅罰鍰果孰利而孰害耶又如公法所書一十八百
五十八年英法俄美四國與中國立約嗣後不得視中國在公法之外玩其詞意重
視中國乎抑輕視中國乎親待中國乎抑疏待中國乎嘻異矣雖然往者不可諫來
者猶可追條約非一成不變者也下屆更修和約之日宜明告各國曰某約不便於
吾國某法不便於吾民某稅不合於吾例須斟酌以協其平彼如不允則據理直爭
百折不回彼亦無術以處之也且前之被彼扶而要求者以滇案未清耳今前案既
結彼已無所藉口且英國於條約之內事尚未能盡行理已先繼茲復以理相折諒
英有不得不允之勢英既允餘無慮矣即或各執一見相持不決則因此款於我稍
有所損不取別款之稍有益於我者以抵之變通盡利亦不必過為操切務使利害

至事事受制於人有太阿而倒以持之也善夫曾國藩與咸安瑪書曰他日換約去
所不便擇其便者此誠不易之通論不然過為優容遇事曲從將我之所謂懷柔彼
之所謂尊奉也我之所謂含宏彼之所謂惠畏也物必自朽蠹始得而來也氣必自
餒人始得而侮之而可不嚴以辨之慎以將之哉

聯與國

秦之所以兼并者遠交而近攻蜀之抗魏所以者聯吳而釋怨多助者強寡助者弱
其大較也 聖朝撫有孟夏韋韞毳幕之邦敬闕膺至亘古莫京猶復簡命重臣輶
車相屬於道重之以盟誓申之以條約一視同仁言歸於好撫夷之道至矣盡矣然
而各國之情偽不同弱強互異有可為我用者有不能為我用者試得而約言之俄
人狡詐強悍歐州之地暨食殆盡其邊疆直接中國東北三面延袤幾至二萬里
其近邊如浩罕諸國哈薩克布魯特諸部落皆脅之以兵威是欲盡撤我藩籬若東
三省近邊之地不獨庫頁島歸於俄即黑龍江綏分河吉林等處所屬之寧廬亦多
為所割據而且經營回疆侵占伊犁久視我為弱肉而不能為我用者也日人短小
精悍性情堅僻其主亦好大而喜功適年來入台灣議朝鮮廢琉球依附西人妄生
覬覦駁駁乎有得步進步之思此亦不能為我用者也然日之不敢逞志於我者恐

俄之乘其虛也俄之不敢逞志於我者恐德之躡其後也德人雖兼并生大為利二十年來敗丹敗奧敗法今猶增兵協餉如臨大敵者惟欲一挫俄人然後與民休息耳其與我通商之處為數無多而情意尚屬密洽其前相蕭活曾游中土濡染我朝教化寔深景仰是德可為我用者也美國志在通商且素暱於我其前總統格蘭威感北洋大臣李鴻章接待之優曾與日主爭及琉球曉之以順逆之理聲之以強弱之勢大意直我而曲日旋有瓜分環球之議日主含糊其詞遂力斥其非是美亦為我用矣法人自八十年前擊破荷蘭并各國有囊括四海之勢厥後一就擒於英人年前其姓復就擒於德方今元氣初復執政紛更未暇遠略俄人常欲聯之法因畏德不敢結俄而其心未嘗不嫉俄也雖前以傳教之故見惡於俄近以安南之故有隙於俄而欲牽制俄人不得不與之羈縻英人向以水師之強器械之精稱雄長於亞細亞德與法皆不及其於俄人則鄙其武備之不精復忌其疆宇之日擴前既不許泊兵船於黑海後復不聽讓土地於天山是固俄人之所畏者也日人之於英尤敬而信之邇來變制度更服色改正朔一一惟英法是崇是固以英為護符而不敢出其範圍者也若英人之於中國前雖讐敵今則友邦其急急於通商者不過惟利是圖非欲擾我民人貪我土地也而且略知信義頗尚豪俠自立約以來於公法稱之最熟其曰中國有事各國調停言雖不可恃而亦非全不可信也目今法國有創深痛鉅之情英國有唇亡齒寒之懼中國欲駭日人而制俄人首宜交德次宜交美以及瑞丹普日和比義奧諸小國皆宜聯絡誠結以信義非必藉為外援而荷戈執爨供我驅策第使不為人助即不啻為我助以夷制夷所謂以毒攻毒也雖各國宜交而俄法與英法道不必交乎而非也彼以和來我以戰往不可也孤立無援與生豈同亦不可也是宜防患于未然弭變于無形可以信乎者以信乎之可術取者以術取之內峻其防外弭其隙而緩急輕重之間是在能辨之者

廣學校

彭玉麟

今之自命為通儒者以洋務為不屑鄙西學為可恥有習其言語文字者從而腹誹之且從而唾罵之甚至屏為名教之罪人嘻甚矣夫所貴于儒者貴其博古耳通今耳試問今之儒者通各國言語乎通各國文字乎即叩以各國之名能通知乎徒拘拘于制藝之末而學問經濟盡于是而已矣方今海防孔亟而所謂熟識洋務者不過市僧之徒正宜培養人材攻彼之盾即藉彼之矛誰謂西學可廢哉又况西學者非僅西人之學也名為西學則儒者以非類為恥知其本出於中國之學則儒者當以不知為恥即以文字論古之制字者本三人下行者為蒼頡從左至右而旁行者為法盧從右至左而旁行者為沮誦奉西之字寔本於法盧也天文曆算本蓋天宣夜之術周髀經春秋元命苞等書言之詳矣墨子曰化徵易若畫為鷄五合水土

離然鑿金腐水離本同重體合類異二體不合不類此化學之祖也均髮均縣輕重而髮絕不均也均其絕也莫絕此重學之祖也臨鑑立景二光夾一光足被下光故成景于上首被上光故成景于下鑿者近中則所鑿大景亦大遠中則所鑿小景亦小此光學之祖也元倉子云蛻地之謂水蛻水之謂氣汽學之祖也禮經言地載神氣神氣風霆風霆流形百物露生電氣之祖也關尹子言石擊石生光雷電緣氣以生可以為之淮南子言黃埃青會赤丹白礬元砥歷歲生瀕其泉之埃上為雲陰陽相薄為雷激揚為電鍊土生木鍊木生火鍊火生雲鍊雲生水鍊水反土中國之言電氣詳矣至于圓一中同長方柱隅四謹圍規寫爻方柱見股重其前強其軀法意規員三神機陰開剖眉無迹城守舟戰之具賦傳羊玲之篇機器兵法皆有淵源墨言理氣與管子闕子列子莊子互相出入韓非子呂氏春秋備言墨翟之技削鵠能飛巧親拙葛班班可攻秦西智士從而推行其緒而精理名言奇技淫巧本不出中國載籍之外儒生于百家之書歷代之事未能博攷乍見異物詭為新奇亦可哂矣但西學規例極為詳備國中男女無論貴賤自王子以至于庶人至七八歲皆入學在鄉為鄉學每人七日內出學費一本納給神文錢在城為城學每人一月出學費一喜林合中同銀如或不足地方官捐補其日鄉曰城者持就地而言之其是即那塾也塾中分十餘班攷勤惰以為升降其不能起升班首者不得出塾學藝鄉塾

之上有郡學院再上有道學院再進有仕學院然後入大學院學分四科曰經學法學智學醫學經學者第論其教中之事各學所學道其所道無足羨也法學者攷論古今政事利弊及出使通商之事智學者講求格物性物各國語言文字之事醫學者先攷周身內外部位次論經絡表裏功用然後論病源製藥品以至於胎產等事更有技藝院格物院均學習汽機電報織造採礦等事又有算學化學攷驗極精算學養文地球句股測量之法化學則格金石植動胎溼卯化之理再有船政院武備學院通商院農政院丹青院律學院師道院宣道院女學院訓督院訓聲庠院訓孤子院養發疾院訓罪童院餘有文會印書會別有天書院數處書籍甚富任人進觀總之造就人才各因所長無論何學必期實事求是誠法之至善者也中國取士止分文武兩科文科專尚時藝錢穀兵刑非所習也武科雖以騎射技勇見長究之武經尚未識為何書違問鞫鈴前次髮捻等匪跳梁其建大功而蕩群醜者武科中人乎抑非武科中人乎然而武科正天可用也方今戰守之策不外水師大器兩途誠能於武科中設三等以攷試之一試以山川形勢進退之方二試以算學機器製造之能三試以測量槍礮高低之度其兼擅眾長者不次超遷其專工一藝者量材任事選將之道在于是晉在邇來年我朝總理衙門派幼童出洋學習萬里從遊法至良意至苦矣但童子何知血氣未定性情心術愈染而愈失其本來盡棄其學恐

盡變于夷者也不如將西國有用之書條分縷晰以華文刊行各直省書院每院
持設一科請精于泰西之天算地球船學化學醫學及言語文字律例者為之教習
或即以出洋學習之學成返國者當之其學徒則選十歲以上廿歲以下不得過長
以致口音之難調亦不得過穉以致氣質之易染又或于歲科兩試所錄文武俊秀
擇其有志西學年亦相當者就其性之所近專習一科其理易通其效更速又况名
列庠序咸知自愛既可以收當務之益復不肯于聖人之教而諸生之數奇不偶又
別開一途以博取功名誰不樂于從事哉至于在院膏火宜倣龍門書院章程官為
籌備肄業期滿應試上等者准赴京都同文館或總理衙門政院政院之後或給
以經費赴外國大書院學習三年或派赴總理衙門及船政機器等局當差或充各
國出使隨員諸譯庶幾人材日廣風氣日開不獨長西人之所長何難駕西人而上
之哉現 京都設有同文館滬上設有廣方言館近復創立中西書院廣其額至四
百餘人分為兩院其法以疏通文字者為超等以年齒稍長而讀書多者為一等其餘
各有差凡三等超等一等以于前學西學于後學中學二等以于前學中學于後學西
學三等以平較少專習中學而緩西學恐以西學分其心也粵東與蘇州新設有西
塾專教西語西文西算設線筆報測電諸學設額雖少可以漸推而漸廣為洋務培
植人材正未可量鄙人聞之因不其喜已相告也

精藝術

彭玉健

西人之所長者技藝耳中國為人才最豈無智能之士與之並駕而馳者執業不精
故讓他人之我先耳西人每製一器專心致志而為之稍有苦窳必從而改造之甚
至守愚公移山之法又而子子而孫至再至三務期抵于精而後已雖費鉅金不惜
也中國偶有舉動旁觀必從而擬議之阻撓之未覩其成先慮其敗故懷才之士亦
不敢輕於一試技之所以不良也方今海防喫緊南北洋機器局務一體舉行循循
乎有蒸而日上之勢然中國雖設其局仍倩西人以握其樞機彼為我用而我復為
彼用也竊以為機器一項最宜講求為類甚多而水雷火器尤關切要電報次之水
雷有三曰伏雷埋伏以待敵利于守也曰行雷曰送雷直趨敵舟利于戰也設伏雷
之處又宜多設浮表疑雷以誤敵人令彼防不勝防而憚思不足以破之也故行雷
送雷潛之行雷之類不一大約以與國所創之魚類美國所製之雷雷為最良送雷
亦有桿雷雷雷之分魚雷者形長而兩端銳或用銅壳前藏棉藥尾有螺輪中藏蓄
氣撥輪自行箭雷曾在天津造試其行較遲此皆游行水中稍露形迹所謂多方以
誤之也索雷者以長繩繫曳于小艇之後或左或右直趨敵舟相擦而過則雷相觸
而發桿雷者縛雷于桿端其桿連于艇首斜抽敵舟之下發雷以轟之若募敵死之
士平日操練精熟手眼敏捷河漢不勝哉且今之對壘者先用槍礮其器以銅礮為

良又以德人所製之克底卜礮為最精而陸路行山之礮不若用十二磅礮其體輕其質堅礮子合膛且命中而及遠所配開花彈計藥一磅可及數十里之遙其彈可炸百餘片殺敵多而取攜便試利器也至若水陸近攻宜用氣球小礮彈配開花其功與十二磅礮彈同又魯國所造之墨迭兒魯士礮其形不甚大其用極為迅速製如六門槍四門周有八輪皆以螺釘維之不用之時即可卸置尚有夫利分委而棄之不至為敵人之資此尤可以戰可以守也洋槍亦有前膛後膛之分論運用前膛不若後膛之靈論修整後膛不若前膛之便其高殺敵致果之時應取其靈巧者為宜若德之馬地尼英之乃大法之查治布美之七響至三十四響後膛槍又德之新製後膛茅塞槍皆屬可用其槍之機器不必過多亦可便於修理而後門火管須用銅托又項多端一副以備不虞但一礮有一礮之性質各槍有各槍有各槍之規模彈同分夫大小藥必權在錙銖務須自行製造庶幾縱自如若一一仰給于人購諸外國一旦有事群起而閉關之謀徒予何能禦敵又况我能擊人亦必防人之擊我倘或以為為優以舊為新不徒受其給而實受其害矣是宜選出洋學習之返國者或使其式而造之或更心裁獨出以關巧而爭奇精益求精日就月將強盛之圖端在于斯通來機器局製造槍礮業有成效而議者猶謂可以省費則將成之功敗于一旦獨何心哉電報一節本屬本事然有益于商民兼有利于軍國蓋兵貴

神速先發方能制人昔普法構兵普人於行軍處偏設電報而盡毀法人之所設卒以敗法電報之致彰彰如斯我國家版圖日擴各省距京都或萬里或數千里一旦疆場告急而飛章入奏廟算遲頓動經數十恐有鞭長莫及之患查津沽為近畿水道門戶宜先設一電線由是而吳越而閩而粵凡屬海疆及西北近邊諸要隘次第舉行無事以便商賈音利猶少至事關緊急乃見奇功近又有德律風者如傳聲器亦藉電氣以行數百里間直可通語斯有便之至使者也摠之制器尚象利用本出于前民幾何作于母子而中國夫其書西人習之遂精算術自鳴鐘創于僧人而中國夫其傳西人習之遂精機器火車本唐一行水激銅輪自轉之法加以火蒸氣運名曰汽車火礮本虞允文采石之戰以火器敗敵名為霹靂凡西人之絕技皆古人之緒餘西人豈真精於華人哉吾深恐華人之大巧而仍自安于拙也

彭玉麟

昔充國籌邊止上屯田一策司奴斂迹惟畏李牧一人當務之急握其要不必取其繁也國家守在要害甌脫綿亘萬餘里而西之新疆中之張家口甌脫之地東之東三省尤為赤紫之處固不可稍留罅隙而予人以窺伺之端張家口山海關一帶有險可據雖兵力單弱幸有李鴻章淮軍練軍人悍器精星羅密布移緩就急暫可無虞新疆回捻初平湘軍聲威俄人畏服左宗棠置辦一切善後事宜斟酌盡善固已無

解可擊但土地遼闊半就荒蕪一宜廣開屯田一宜分設官守我朝分職本遵成例而道與時為變通正須因地而制宜若將新疆一帶分別各道編為州縣以專責成兼設巡撫以歸統轄庶成金湯永固之基而無鞭長莫及之患屯田一則現已次第舉行尤須推而盡利不可得半而止更將蠶桑鹽礦等務廣開利源變磽地為沃地不言防而防自固矣東三省為發祥之地

列聖陵寢多在其中尤宜加倍慎重極力防維以重根本竊以為蒙古之部落宜整頓也吉林之金匪宜收撫也海參威宜設領事也瑛春宜設知府也黑龍江之馬隊宜招也鄂春之獵戶宜編也何以言之蒙古素多忠義勇敢之士自來用兵屢資其力無如各部窮苦其勢渙而不振現聞伯王承乃父僧王之道為諸部旗所信服若令其部若邊防嚴加整頓每年給若干金以為制械犒賞之用則西北邊陲不啻增一雄鎮矣金匪之頭目曰韓顯忠其人公正而有才統率其眾數十萬人甚有條理祇以挖金為業不敢秋毫犯官百姓嘗懷報効之心恨無請纓之路名雖為匪而實非匪也若撫為我則令其各攜家口成村而居俾懸荒地填寔補虛既可不費一餉而可比之屯軍矣海參威地屬于俄與我國最為密邇近來華人之商于此者日見其多一有事故皆歸俄官主持偏重偏輕在所不免若設領事與之會辦本特為華商之主宰兼可觀俄人之動靜瑛春與俄偏鄰寔為滿洲之門戶前雖派員辦理

寔未設有專司所以該處旗民往往為俄人所侵侮若設官以為之牧則中澤可以奠良鴻即邊疆可以捍戎馬矣至若黑龍江之馬隊一往而衝突無前素稱雄于天下鄂倫春之獵戶百發而槍斃皆中恆見畏于俄人若將馬隊之隊兵復為招之以壯聲威將獵戶之戶口逐為編之以入行伍以俄國之所長中俄人之所懼安敢不俯其首而帖其耳哉至于設險守隘林馬屬兵應有之義亦不必為僿言也已雖然固邊者不可不恤藩以藩服即邊疆之屏障也國朝邊藩有四曰安南曰緬甸曰暹羅曰南掌海藩有二曰高麗曰琉球緬甸見侵于英國勢日蹙暹羅依附于英朝貢不入南掌介于暹羅之間已有不能自存之勢是三國者無庸高論矣安南接壤中國法人所侵剝現雖割地求和而西貢不復東京堪虞勢亦岌岌矣况安南接壤中國入鎮南關以後陸路可達內地倘全境為法人所轄將來稍有違言直可叩關而至為今之計鎮南宜增兵額以絕其覬覦內地之心南洋宜設兵船以塞其往來自便之路滇粵設邊防以固我之門戶東京添戍兵以固彼之根本且與法人約西境各路仍歸安南設官治事惟通商口岸歸法人置領事管轄再將通商事宜酌酌改定列安南為自主之國同在會盟之中法人雖不能事事相從而見我國全力之所注亦必顧大局而畏公法不敢日肆其吞并之心萬不可苟且因循漫尋而為琉球之續也琉球既為倭人所滅夷為縣鄙幸此舉至今未結尚有轉機查琉球原部三十

六島北部九島中部十一島南部雖有十六島而周廻不及三百里北部中有八島
 早為日人所佔僅存一島當其廢滅之候中國疊次直爭已有割島分隸之說在日
 人之意欲以南島歸我而換利益均露之約李鴻章奏以南島廢貧得地而不能治
 即予之球人球人亦不能藉以為國以無用之物而增受害之約得不償夫力持正
 論球幸所以延閣也况此一役也為謀主者薩摩人耳國人甚薩摩之日疆不以為
 然者亦半現復遣官遣兵勞費不支而又迫于清議或亦稍有悔心乘其悔而圖之
 事尚大有可為也高麗應遵聖教恪守藩封而北偏于俄南迫于倭式微之嘆幾不
 能免于其杭檀而堪虞何必堅確以自守若與西洋諸國立約通商使倭雖欲思逞
 西人恐其妨于商務必從而助之我又從而接之彼此互救易與圖存以此制彼意
 在斯于摠之藩服之地與內地同以後與各國換更和約宜將恤藩一則列入約例
 與之休息又復勤修邊備不遺餘力凡遇交涉之事悉以和平中正之心行其忠信
 篤敬之道未事無虛憍臨事無遷延有事無畏蕙無事無荒怠事之應理者始終如
 一以行之事之不可允者百折不回以絕之據公法合約為辨論木人情物理為周
 旋即或自作不靖則曲在彼而軍威不揚我有備而同心敵愾又何畏彼之堅甲利
 兵也哉

修船政

彭玉麟

自開港設立船廠以來華人漸通西法以機器造機器成效彰彰而議者謂機器可
 廢船廠可停彼非不知輪船之利也誠以華廠造船之價半倍于洋廠購船之價同
 一利也與其多糜帑金不如節省繁費意非不佳惜狃于近見而未摠全局以籌之
 也洋人之所以悍然與我為難者非不知我民心之甚固也非不知我兵力之尚強
 也而敢于得寸思尺要求無已者恃有兵船謂彼能來而我不能往耳今欲防洋而
 仍購洋人之船且請洋人以為船之主是發之者洋人收之者洋人中船雖有船謂
 無船可也即謂此船為洋人之船亦可也則何如自造之為得也仍方今要務全在
 戰守兵船為急商船為輔其事須並行而不悖往來中國特設招商輪船奪洋人之
 所恃收中國之利權殺費苦心詢為良策然自議定華商買准輪船章程而後除招
 商局外無一人入廠購船更無一人入廠租船者何也良以船價太昂成本重大恐
 有折關兼之風濤可畏是以裹足不前今欲暢通商務使之日新而月盛不如下圖
 利之中更加鼓舞之權凡有富商招集股分造一船出洋者船價與洋廠等而又照
 軍功例酌賞職銜駕駛三年獲利甚厚者更優賞之名利兼收誰不踴躍而從事况
 華商出洋販運與洋人歲時相接則聲氣可通利弊情形見聞真切遇有交涉事件
 亦可謂停折服利于商未必非利于國也至外洋各埠華民有願得兵船保護者當
 自籌養費報明領事請公使轉咨船局派船游弋或一年或半年更調他船藉資歷

練其一半不能養一船者則合數半共養之如是則船局不必更籌養船之費兵船船並無生耗國帑之名海道之沙線可以熟中外之聲氣可以聯商民資其捍衛公使可壯聲援誠一舉而數善備焉者也若夫兵船之制其名不一利于水戰者曰鐵衡船利于攻堅者曰鐵甲船利于肆擊者曰轉輪船利于環攻者曰蚊子船而想以鐵甲船為最精近日美國更造磁船其前鋒利如推過鐵甲船直前撞之轟然破裂其價亦甚廉計鐵甲船一號費在百萬餘金磁船一號約二十餘金萬省一鐵甲船可造磁船五六號將來出洋征勦必須鐵甲船十數號以備戰攻目前用費不充不如先造磁船分駐海口防禦可期得力然後續造鐵甲船以成全盛之用正所謂由漸而入者也但海口甚多節節設防恐兵船不能如是之眾是宜將近海各省分為四鎮擇地立營各設水師多築礮台既防之于洋而復防之于海口務使聲氣相通指臂相連方為萬全之策查津沽為京都咽喉而奉天之牛莊山東之烟台皆為要害若僅設防于津門而東奉二口全無牽制之兵防猶未固也若以直東奉為一鎮以鐵甲船或磁船數號以蚊子船轉輪船十餘號立營於旅順口並威海衛之中春礮台相為表裏又設分防于夫連灣據奉直之要隘則此可以聯津郡東可接牛莊而北洋之防以固江浙僅設內防長江只有礮台守則有餘戰則不足既不能戰及可以為守若以江浙長江為一鎮如北洋例立營于長江口外既可以固我天塹

復可以照應瀟波舟山一帶而中洋之防以固台灣為七省門戶地頗豐饒餉餉者多宜立營于澎湖以為閩省重蔽是福建台灣宜為一鎮者粵省華洋雜處洋船蟻集較之他省尤為緊要宜自為一鎮一體立營以守之而分防於瓊州北海等處則南洋之防以固至東西各洋亦宜每洋派一鐵甲兵船巡遊各埠名衛商務是諸情形庶處處收海防之實效不徒博海防之虛名也已雖然船政宜修矣而造船駛船尤不可不得其人也華匠雖有巧思而堂與初窺聞見未廣摠不知洋人之精是宜選上等華匠及出洋學習之聰穎者親赴外洋各廠參互攷訂務得其術他日藝成返國果能神明變化可廣其傳酌賞官職使之經理廠務則工匠之賢否經費之多寡瞭如指掌不至受欺于匠人則造船得人矣船上舵工大副二副等色人日中國每每關之即有可為大副二副者類皆出洋幼童之學徒性根未定嗜好易染於量星探石測風防颶等件尚未講求事關繫急恐未可靠查泰西船政本有專門之學其法先須通數國言語文字並嫻天算地輿諸術然後官為致校如能測度數諸風潮以及各國海口礁石之有無水勢之淺深測驗表度措置機器一一合法方能充副舵工閱歷三年不致誤事方充為正舵工如果心靈手敏可操一船之權然後升為船主鄭重周詳有如此者中國欲收船政之益宜仿其法選十歲之世襲餘聰慧子弟成童則不能涉習或聘教習或出洋學習務使精益求精確有把握則中國多

一船即有一船之利雖糜費于目前必程功于異日自強之機自固之術皆于此矣
前兩江督臣孫葆楨嘗以未辦鐵甲船為憾事其遺摺有云天下之弊在於因循目
下若節省浮費專注鐵甲船未始不可集事若復徘徊瞻顧執咎無人事機呼吸遂
則噬臍老成之慮深且遠矣

興礦利

彭玉麟

地不愛寶久而必宣此自然之理也秦西之所以稱富強者精于礦務耳但外洋國
雖日富而山澤之利已窮中華國儲不充而山澤之利是富其故何也西人以採礦
之故窮山僻壤搜羅無遺不徒金礦將盡即煤鐵之礦亦盡矣西人以為慮者恆謂
數十年後雖有船而船不行一說寔大有所見中國為材財賦與區雲南出銅山西
出鐵湖北江西湖南出錫齊魯荆襄出鉛台灣出硝以及伊犁淘金和闐採玉礦產
之富誠為五大洲所未有所可惜者產于地而仍棄于地耳非不知礦利之大有益
也一則因前明殷鑒之不遠一則因機器致鉅之難籌查明萬曆廿四年開礦過天
下命中官為礦使編富民為礦頭礦無所得勒民墊贖甚至誣為盜礦從嚴傾陷之
所以國脈民命交受其困流毒者廿餘年嘉靖三十五年開礦費三萬餘金而得銀
二萬八千五百不足償夫成化間採金于湖廣等郡役五十五萬人者無算僅得金
三千餘兩前事如此宜後之開辦者之掣肘也不知明之所採者金銀礦也意在聚

聚財且任用非人事之易以易敗也今之宜開者煤鐵礦也意在便民且當務為急
事之所以必成也方今海防孔急不得不用輪船用輪船不得不需煤鐵倘必取給
於洋人添一利藪中國又多一漏卮機器款本甚鉅籌辦為難但試辦之初何必賴
此各省防營頗多若某省開礦先清西人之精于礦學者或用滇黔川邊老民之諳
習者測量衰壯確有把握然後以防營開採果得巨礦即以機器濟之豈遂為晚乎
又或謂開礦于地脈有碍聚集多人恐生事端此又一孔之儒之目論也伏讀乾隆
五十二年十月諭曰京城外西山北山一帶開採煤窰及鑿取石塊自元明以來
迄今數百餘年取之無盡用之不竭從未聞以開採風水設有禁例豈開採礦遂
至于地脈有碍即云開採礦恐聚集多人滋擾地方則每歲採取煤斤石斤所
人夫不知凡幾豈皆善良安分之徒何以並未有滋生事端之處 聖諭詳明最
足破也俗疑惑之見又或謂山澤地壘無非民業祖父所遺子孫世守即給價而買
之此應彼否奈何曰此尤易為謀也地不必歸于官而利轉得分于民未有窒礙而
不行者或又問曰開礦之利其利安在曰開礦有礦稅利于國帑也鐵可以造船煤
可以行船利于海防也開礦用營兵藉其力兼習其勞利于兵也兵之糧可出于礦
稅利于餉也開礦之處多在叢巖既有營兵各匪不敢占踞利于防盜也古鐵需巨
運煤需夫養否不知多人利于窮民也火化之宜人人賴之煤價既廉貧民受惠利

於日用也其利如此可勝言哉又况銅鉄煤礦之類中國之所出者多則外洋之所入者少日計不足月計有餘富強之基舍此無他術矣倘若掘土而得金破石而得玉此尤一國家之福而為天下臣民所額首也抑又思之開礦即可開鑄雖屬餘正可相輔而行近來洋人收販中國大錢鎔銷出洋即中國商民亦多藉此散者故錢日昂價大錢日少亦宜一體設法禁止並于開礦處開局鼓鑄亦流通國貨之一道也

防漏稅

彭玉麟

從來王道不尚富彊聖世不言功利藏富於國不如藏富於民之為愈也 國家深仁厚澤薄其稅斂有準乎什一者有數十而取一者恤民之艱待民之厚莫以加矣自道光二十二年大開海禁維時當事者不知中國稅額輕於各國四五倍或七八倍故立約之時洋人各貨進口納稅後聽華商販運各地所過關稅祇案估值每百兩加稅不得過若干分稅於華民者輕故稅於洋商者亦輕也厥後天下多故軍餉支絀於是始為權貨抽釐之法創辦之始洋貨亦在各子口征課尚無異詞迨咸豐八年中西重訂條約始定洋貨土貨願一次納稅可免各子口征稅者每百兩征銀二兩五錢給半稅單為憑無論運往何地他子口不得再斂其無半稅單者逢關過卡照例抽釐體恤洋商可謂至矣然洋人欲壑難填猶復藉端要求煙臺條約定於租界內不收洋貨釐金即洋貨之運入內地者不論華商洋商均可領半稅單此又格外通融之法無如日久弊生漏卮難塞華商之黠者串通洋人互相蒙蔽往往洋人代華商領半稅單而私取其費者華商亦代洋人裝運各貨而冒用護照者漢奸與洋人講張為幻流弊滋多近又有三聯單者無論往何地購何貨先在洋關報明數目繳半稅方可領單領單之後聽其採辦運行沿途釐卡不敢過問至貨到時查明數目相符如數繳稅於是各商民利其稅輕而期速趨之若鶩以中國自主之權

而為洋人所把持釐金之受困不已多乎查始權釐時歲收二千萬今之所收者不過四分之三而且日少一日有損無益於是董其事者鼠為比較藉杜侵蝕密設分卡以防偷漏而究之委員之侵吞滋甚胥役之訛索益繁徒困於民無利於國故縱談時務者慨然謂釐金之當撤也然則謂釐金果宜撤乎目今軍務雖平元氣未復國帑猶未裕也防兵不能裁也海防猶未措辦也設或更起事端款將奚籌豈旋撤之而旋設之乎然則謂釐金不宜撤乎洋商之包攬華商之偷漏徒供虛耗未獲實功何樂而為此也為今之計不如去釐金增關稅於釐務無所損而商民則有益焉何以言之所謂裁撤釐金者非必盡天下之釐金而撤之裁之也不過於通商各埠或洋貨或土貨去其釐而加其稅耳若明定章程核計道路之遠近如某貨自某處至某海口須經幾卡應釐若干某貨自某海口至某處路經幾卡應釐若干一總稅之不必節節稽征是釐雖撤而實存而包攬偷漏等弊雖奸商無由施其技矣且關稅定納之後運行無阻不必守候而驗貨不必逐卡而留停欲至某處可刻期而待為日更速成本較輕即所加之稅實隱攤於貨價之中而取償於售主商民又知某貨之不復納稅也更樂於販運銷暢益多所謂於商有益者此也况洋人所藉為口實者動謂中國釐卡林立收數互有異同以致洋貨阻滯不行若撤釐而加稅彼亦何說之詞而說者謂關稅已有成規從而加之洋人必不能允不知所加之稅即所抽之釐與其散而征之不如總而稅之兼之洋人稅額以值百取二十取四十為斷更有值百取六十值百取百者若以值百取二十為準華稅之重猶從洋稅之輕舉是以折之彼將何詞以對又或謂釐金取之華民權歸中國自主若歸并於稅倘洋人於下次條約時復以稅重為詞利權不幾為所撓乎是宜聲明加稅免釐之故如欲減稅仍舊抽釐庶可以永杜洋人之口也抑又思之稅出於商欲免稅務先宜暢通商務西人之所以富疆者官商一體耳所有贏餘公家存之即有折開公家認之故能重其本而來即厚其利而返中國之集成巨款出洋貿易者尚鮮其人是彼以貨而取中國之銀我不能以貨而收回中國之銀利源不將竭乎計洋人入口之貨每歲售值八千餘萬中國出口之貨惟絲與茶為大宗近來印度等處皆植茶桑出數與中國相若倘并此而失之是誠有出而無入矣又如呢布一項洋人買中國絲棉織成之轉售中國每歲約銀三千餘萬良由機器使捷所以獲利甚厚若我亦仿織之亦可開一利源或疑用機器以代人工恐奪小民之利不知洋布羽呢本非中國之物與民業毫無干涉况製自中國可省運費價必更廉便閭閻之取求攻洋人之利數是誠一舉而兩得者也伏讀嘉慶十九年正月諭旨洋商交易原令彼此以貨物相準俾中外通有易無以便民用若將內地銀兩每年偷運出洋百數十萬歲積月累於國計民生均有關係仰見

聖慮淵深於中國銀兩出洋之患早已

洞鑿今時事更非昔比出數照前更鉅若之何不早為之所也宜急令地方官廣勸農民於山谷隙地遍植桑茶繅絲製茶之法尤宜加意講求務使較勝於印度將來所出愈多價可酌減惟貨精值廉何患銷路之不廣而且招集商股以機器造呢布若成本不敷或援乾隆五十一年商人王世榮請借帑銀嘉慶十七年蘆商義和泰懇借運本均執部議行之例是誠無損於國而大有便於民也總之出口之貨宜求其多而稅則輕之入口之貨宜杜其來而稅則重之收我利權富我商民擴我遠圖胥於是乎在

疆兵力

後周世宗謂侍臣曰凡兵務精不務多今以農夫百不能養甲士一奈何腹民之膏養此無用之物乎誠哉是言也我朝兵制每省編置綠營而同治初年克復東南數省近又收復回疆皆賴歷年招募之勇而經制之兵未聞有一軍足以勝殺敵致果之任者何也蓋勇為新募非精壯不收兵皆舊充而疲老未汰也然年力富強技藝嫻熟之人皆不願充兵而願當勇其充兵者皆市井無賴衰老疲弱者耳蓋勇糧每月四兩餘銀即每年扣發兩月每月尚得銀三兩有奇而戰兵馬兵之糧皆不及馬守兵步兵更無論矣故兵額雖多與無兵等查清淮練勇雖有三千八百餘人而散漫無紀疲憊居多前任各漕臣明知其然皆以為一時裁遣恐滋事端隱忍相安

不加整頓署漕督臣譚鈞培任不及三月汰其衰弱歸并於馬步各營頓然改觀已成勁旅以是見任事之在人認真也直隸綠營改立練軍創自前督臣劉長佑曾國藩蒞任時復重新整頓成效已著各省有倣行而未盡改者有全行未改者今欲變其錮習不如以綠營為練勇兼減兵增餉之法為最善常人之情勤則奮而逸則偷綠營向以防守為名且有此疆彼界之分而一切築城鑿池脩堤治河諸役非其任也而且安居於家待炊而食日未睹乎戰陣身未經夫沙場名為我行之士實等遊惰之民以之執戈而衝敵者亦謂其不可誠仿練軍之法汰其弱者老者留其彊者壯者列幕而居於城墉之上日加操練倘有工役一體派行即有徵調無分畛域則力以愈用而愈出技以愈練而愈精三年之後而謂兵之不彊無是理也又況利之所在人必爭之中人之產歲獲百金則有餘若能準情酌理照舊章而優增其餉則一人為兵而居家之事蓄於此取盈焉得之可以自贍失之必至自危誰不勇於自彊而肯以游惰致遭斥革哉或者謂目今餉項支絀建議者方欲減之如烟臺紅單船募廣東水勇五百名月餉自十五兩至八兩不等今擬改為額兵一律給銀三兩以期節費增餉之說萬不能行不知所增之餉即出於所減之中誠使用一兵即得一兵之力雖裁十兵之餉以并養一兵猶愈於額多而無一兵之可用也昔武侯治蜀以減兵而勝魏岳忠武以背嵬兵五百而破金兵在多乎哉

練民團

三代以上寓兵於農無事則躬耕有事則敵愾誠良法也降及後世此制不講久矣惟民團則差近之而論者謂民團無濟於事軍興以來未聞有民團為國家出力者而實非通論也民團設自民間不供調遣既不調遣何能殺賊而立功不過自相保護有備無患而已雖然正謂民團之無益於國也是又不然湖州之趙忠節紹興之包義士自備軍餉訓練民團卒能捍衛一方非其功歟廣東之民團當英人入境時一敗之於三元里再敗之於三山村且焚其雙桅船一艘非其功歟又如澧州之五福團岳州之平江團安徽之廬州團四川之中江團江蘇之溧陽金壇團類皆實事求是務虛名勝於召募者多矣攷德國兵制民除殘疾外悉充伍籍法國章程部民能効力者即籍為兵普國君臣卧薪嘗膽國人莫不知兵遂以敗法英俄諸國近皆效之蓋泰西各國寓兵於士農工商之中有警則人皆可將士盡知兵猝爾徵調可集數十萬不糜兵費實足兵額至愜至當正未可因其夷而夷之也我國家設立武科州縣取士為數最多而自身列序序以後往往無所事事為農則可恥為商則無資名雖為武而實無用武之地若一體舉行民團先擇武生中之可為什長者百人設局訓練教以刀矛槍礮等法學成則各教其所轄之十人十人學成又各教營中之人昔吳起對魏武侯曰用兵之道教成為先一人學戰教成十人十人學

戰教成百人百人學戰教成千人千人學戰教成萬人萬人學戰教成三軍以近待遠以遠待勞以飽待飢以主待客正此謂也雖然國既設自民間權宜操之長上使不歸地方官管轄恐其桀而不馴宜察民造冊繳之官府案時簡閱果有深知武畧者酌保官職以示鼓勵其有不知陣法者又必延師教之兼教以禦敵立身諸大務以作其忠義之氣則鋤耰亦可敵懷婦豎亦喜談兵國不費餉人盡知方以之滅敵可也之以禦敵亦可也之以自守可也即以之報國亦無不可也自強之基與自固之術孰有愈於斯而且古來名將多出田間衛青牧豬樊噲屠狗閻桓公燕居而運甍祖豫州中夜而枕戈練兵之地安知不即為選將之地哉而或有為粉飾承平之說者曰我國家政事脩明紀綱整飾潢池既無盜弄之變遠邦安有窺伺之心若處處練團兵日日脩守備不獨遠人相視而竊笑即民情亦傲擾而不安無戎而城不幾流於士為之所為乎不知居安不可以忘危有備乃可以無患若各直省舉行民團或且視為具文而沿海各處之民團不得不為之講求蓋洋人之所畏者不在中國之官而在中國之民則何弗因其所畏而為未雨之綢繆耶

禁販奴

彭玉麟

國家戶口日廣生齒日繁謀食之徒往往不擇地而蹈以單子一身涉重洋萬里致使天朝百姓受奴辱於洋人誠可憫矣其尤為慘酷者粵東澳門汕頭等處西人

設招工館應其招者名其人為豬仔人也而畜名之即以獸蓄之命名之意已乖天和然此猶明明招之也更有寓粵洋人串通奸商誘賣鄉愚於秘魯古巴亞灣等處其始或炫之以財或誘之以賭又或倏指為負欠強曳入船有口難伸無地可逃每年被拐者動以萬計及抵彼埠充以極勞極苦之役少憩即刑告假不許生入地獄之門死作海島之鬼且其中不無良家之子貴胄之兒不能勞苦駭死風濤望斷家鄉斬絕宗祧誰無良心而忍聽其如此哉後雖此風稍熄近又故智復萌刑者不可復贖往者不能復返不亟思所以禁之則中國之良民不盡入異域之畜道乎近賴兩廣總督張樹聲關心民瘼迭次出示嚴禁沿海地方拐販又與招工局嚴立條約凡應招之人先取親族甘結次取街鄰保結然後報明華官華官親加詰問果屬情願毫無逼勒然後令該局造具清冊正副兩分詳載年貌籍貫並中保姓名送華官蓋印至出洋時聽華官登舟案名查點後方准駛行即以副冊咨行當地領事官領事官於船到時亦案名查驗如有冊上無名或姓名年貌不符者即以拐販論船主加等懲辦船沒入官其無領事之處永遠不准招工如是則拐販之風可以絕即情願應招者某處若干人某年若干人皆有成案可考中外均便稽查洋人見中國之鄭重民數如此其至也亦不敢肆意凌虐此誠萬不可緩之急務也即已出洋為奴之人亦不可徒作旁觀之太息宜令各國公使領事認真清查密為保護昔有販

阿洲黑人為奴者英國集商禁止出資贖釋堂堂天朝果能自庇其民仿英人贖視溺而不援天下無此忍者從井以相救天下又無此仁人是不過徒託空言而不能見諸實事也可慨也夫可慨也夫

編教民

彭玉麟

國家崇正學闢異端 教澤涵濡數百年於茲矣而欲破堯舜禹湯文武周公孔子之道之藩籬借天堂地獄之說以盡惑我民心者其泰西之傳教乎泰西本基督一教其後分而為三其吉利德意志丹麥荷蘭瑞威頓瑞威瑞西等國所從之教耶穌教也意大利奧馬加比非利亞法蘭西日斯巴尼亞葡萄牙比利時等國所從之教天主教也小亞細亞歐羅巴東俄羅斯希臘等國所從之教希臘教也各分門戶互結黨援即在西國已起爭端迨明季天主教始入中國從者尚少厥後瑪實南懷仁仁等挾天算地輿之學來遊內地其所著七實等書理亦與儒者相近故當時士大夫皆與之遊不甚鄙之至道光咸豐間法人屢遣教士學習華語奔走四方開設講堂於是奸民遂借進教為護符詐鄉愚凌孤弱占人之妻侵人之產及至事發教士私相袒護威匿之講堂或縱之海外人民怨極聲思報復遂至燬教堂毆教士滇案甫結津案旋生中外幾於失和皆天主教階之厲也第急於傳教者祇屬法人實

與他國無異中國人民未及辨此統聞洋人之名而即惡之一見洋人之來而即避之因甲嫉乙在所不免且法人本非富強其所以自備資本周流勸導必欲廣其傳者實欲以小利小惠收拾人心人心即附然後可以惟善說之是從此中國大有所利耳不料利不能固害且隨之欲以之愚人者適以之自愚上年普國之戰教人實啟其端西班牙謂法國獨居惡名受其實禍伊感自貽將誰之咎近聞印度拒額力士教德國逐耶穌教葡葡牙西班牙皆籍教黨財產入官意大利封教堂七十餘間簿籍其產此誠自為消長之機現法人已知中國之良民斷不入教其入教者不過傭工貧民耳村姬社婦耳即有築點芳民藉圖生計其實亦陽奉而陰違於是自然自艾深悔從前傳教之失各國又羣起而咎其傳教之非可見柔韌之德出於自然發於天性而天堂地獄之說不足以勝之也但華人之已入迷途者亦復不少欲救其弊宜將教民開明年貫姓名報明地方官另編為一冊即教士亦應歸地方官約束遇有事故依華法秉公照辦教士不得過問庶幾入教之民仍不失為中國之民即教士亦無所逞其庇縱矣尤可慶幸者自美德二國派員來華觀瞻 中朝教化而後實深欽慕即各國亦莫不佩服現在泰西之入學者必習中國言語文字所有五經四子書概行刊刷先刻華文而以西文註釋之日日誦誦其景從之心較之中國人之入彼教者為更切可見堯舜禹湯文武周公孔子之教仁之至義之盡天理

人情之極則無一毫矯疆於其間而凡有血氣者自可不言而信不勸而從也將來漸推漸廣風氣日開聖教盛行率薄海食味辨色別聲之人而皆不敢出於堯舜禹湯文武周公孔子之教之外天王教云乎哉

論鴉片

彭玉麟

攷李時珍本草細目阿芙蓉俗名鴉片性溫有微毒並未言能殺人之事今則生食者急以殺之吸食者徐而殺之而不解人之何以甘受其殺而不辭也當西人鴉片入境之初禁烟之議持之甚堅奈始則操之過急繼則縱之過寬流毒至今幾無術可以挽回計鴉片進口之數每年約七萬餘箱每箱售銀五百兩總計值三千五六百萬中國每箱收稅三十兩計銀不過二百二十萬中國漏出之銀每歲實三千數百萬兩之多果孰得而孰失乎中國利源之涸可立而待也於是薦紳先生日擊時艱羣起而議之有謂宜禁內地之仿種者有謂宜禁洋藥之入口者有謂宜加洋藥之稅者更有謂不必禁內地之種方可分洋人之利權者然其中皆有弊焉方今各直省除江西湖南外餘省之種鴉粟者日多無論不能驟禁也即能禁此而吸食者爭取購於洋人是又為洋人之設而予以壟斷之權也外洋入口之貨以鴉片為大宗利源所在誰肯息之且既不能禁之於前何能禁之於後相持太甚適啟弊端至若加收釐稅則價愈昂價愈昂則吸者可以漸稀似亦補救之一法然則每見吸食之人雖殫瘁不給猶必多方設法以謀烟貨幾見有因價貴而不食乎况所加之稅洋人即隱增入售價

之中於洋人無所損而吸食之貧民益促之貧也若謂內地之種莫以所出日多藉分洋人之利不盡利者也上年盛道宣懷在天津創設戒烟局已著成效各省似可踵而行之總之鴉片本屬毒人之物泰西各國准播種而不准吸食即日本越南亦禁之甚嚴惟中國之人習焉不察受其毒最者已百餘年其吸食之人凡時廢業毀體傷財是誠可憐可痛若能永遠禁止弊絕風清則國脉以培元氣以復利源以裕是則愛之所深幸也夫

剛直公豐功偉烈浩氣英風猶赫赫在人耳目間故其奏議皆以憂盛危明之意為思深慮遠之辭可作張蘊古大寶箴讀也而其著洋務十三篇亦熟善時局以洋務統統其於世變之所維持根本之所關係其計畫尤精向使此公而在日本之亂必有可弭者矣即此公不在而此公之言先已無不錄用日本雖亂亦不至如斯之甚聞吳侍御曾於數年前錄呈御覽殆亦留心大局有懷康濟者歟今我輩秀才家往往專工帖括絕不參究時務動以談洋務者為非亦思我國強鄰環侍為歷代所無剛直如彭公尚亦有洋務十三篇為救時之計亦以禍變之相猶至今已極不得不為洋務熟籌之也不然高談經濟不悉時宜試問洋禍之來可以空言了却乎抑思所以禦之于滔滔天下任之何人不禁望空呼籲者矣 大倉飽文符記

